

徐庾集序

詩家者流率以靡嫚歸之梁陳
以語於王褒江總輩絺章繪句
膚立者則可耳若徐僕射庾開
府竝誕瓊圃抽穎芝田徐固天
上之麒麟庾亦人間之鸞鶯氣

涵江漢名壓華崧以童子之科
居華貫之任陟鰲坡而視草游
鶴禁以談經的礫若明珠之耀
龍淵鬱葱若翡翠之戲蘭陞娟
倩若美女之舞交竿艷冶若名
花之笑金谷朝所吟詠紙價爲
之夕騰華所流傳雞林爲之泣
慕洵乎耦耕之玉環允矣藍田
之雙璧矣仙李盤根初唐最盛
應制遊覽諸作婉媚綺錯篆玉
雕金筋藏肉中法寓情內莫不
攄藻乎子山擷芳於孝穆故能

琳瑯一代卓冠當時曲江射洪
二君間以雅澹雖丰骨全出而
英翹少遜盛極蘊衰識者憾焉
且古今文人專詣者多兼工者
少有韻之詩與緣情之文勢難
兼舉淵雲之儔未聞壯長城於
五言屈宋之流未聞騁妙辯於
竹素而二公學該玉府之森藏
筆捲銀河而直上不但哀江去
一賦彪炳無前與遵彥之書嫵
麗莫偶凡郊廟典章郵筒來往
恍如覲燕許之手筆逢僑肸之

面談後有作者盡歸下風昔人
讀君山書如積猗頓之富今披
徐庾集有不入波斯之航也哉
故合而鉸之爲蕤苑之笙簧制
作之粉黼抑余尤有異焉物不
孤生必有其偶初唐曰沈宋而
昆明之篇沈不敵宋盛唐曰李
杜而岳陽之釋李不如杜二公
之詩文工力格局無不悉配真
宇宙人文一大結聚也以之作
延津之合夫誰不宜

東海屠隆題



徐陵本傳

唐散騎常侍姚思廉撰

徐陵字孝穆東海郟人也祖超之齊鬱林太守梁員外散騎常侍父摛梁戎昭將軍太子左衛卒贈侍中太子詹事諡貞子母臧氏嘗夢五色雲化而爲鳳集左肩上已而誕陵焉時寶誌上人者世稱其有道陵年數歲家人攜以候之寶誌手摩其頂曰天上石麒麟也光宅惠雲法師每嗟陵早成就謂之顏回八歲能屬文十二通莊老義旣長博涉史籍縱橫有口辯梁普通二年晉安王爲西平將軍寧蠻校尉父摛爲

王諮議王又引陵參寧蠻府軍事大通二年王立爲皇太子東宮置學士陵充其選稍遷尚書度支郎出爲上虞令御史中丞劉孝儀與陵先有隙風聞劾陵在縣賦汙因坐免久之起爲南平王府行參軍遷通直散騎侍郎梁簡文在東宮撰長春殿義記使陵爲序又令於少傅府述所製莊子義尋遷鎮西湘東王中記室參軍太清二年兼通直散騎常侍使魏魏人授館宴賓是日甚熱其主客魏收嘲陵曰今日之熱當由徐常侍來陵卽荅曰昔王肅至此爲魏始制禮

儀今我來聘使卿復知寒暑收大慙及侯景寇京師陵父摛先在圍城之內陵不奉家信便蔬食布衣若居憂恤會齊受魏禪梁元帝承制於江陵復通使於齊陵累求復命終拘留不遣陵乃致書於僕射楊遵彥竟不報書及江陵陷齊送貞陽侯蕭淵明爲梁嗣乃遣陵隨還太尉王僧辯初拒境不納淵明往復致書皆陵詞也及淵明之入僧辯得陵大喜接待餽遺其禮甚優以陵爲尚書吏部郎掌詔誥其年高祖率兵誅僧辯仍進討韋載時任約徐嗣徽乘虛襲石頭

陵感僧辯舊恩乃往赴約及約等平高祖釋陵不問
尋以爲貞威將軍尚書左丞紹泰二年又使于齊還
除給事黃門侍郎祕書監高祖受禪加散騎常侍左
丞如故天嘉初除太府卿四年遷五兵尚書領大著
作六年除散騎常侍御史中丞時安成王頊爲司空
以帝弟之尊勢傾朝野直兵鮑叔儼假王威權抑塞
辭訟大臣莫敢言者陵聞之乃爲奏彈導從南臺官
屬引奏案而入世祖見陵服章嚴肅若不可犯爲歛
容正坐陵進讀奏版時安成王殿上侍立仰視世祖

流汗失色陵遣殿中御史引王下殿遂劾免侍中中
書監自此朝廷肅然天康元年遷吏部尚書領大著
作陵以梁末以來選授多失其所於是提舉綱維綜
覈名實時有冒進求官誼競不已者陵乃爲書宣示
衆咸服焉時論比之毛玠廢帝卽位高宗入輔謀黜
異志者引陵預其議高宗纂曆封建昌縣侯邑五百
戶太建元年除尚書右僕射二年遷尚書左僕射陵
抗表推周弘正王勸等高宗召陵入內殿曰卿何爲
固辭此職而舉人乎陵曰周弘正從陛下西還舊藩

長史王勸太平相府長史張種帝鄉賢戚若選賢與舊臣宐居後固辭累日高宗苦屬之陵乃奉詔及朝議北伐高宗曰朕意已決卿可舉元帥衆議咸以中權將軍淳于量位重共署推之陵獨曰不然吳明徹家在淮左悉彼風俗將畧人才當今亦無過者於是爭論累日不能決都官尚書裴忌曰臣同徐僕射陵應聲曰非但明徹良將裴忌卽良副也是日詔明徹爲大都督令忌監軍事遂克淮南數十州之地高宗因置酒舉杯屬陵曰賞卿知人陵避席對曰定策出

自聖衷非臣之力也其年加侍中餘竝如故七年領國子祭酒南徐州大中正以公事免侍中僕射尋加侍中給扶又除領軍將軍八年加盃右將軍太子詹事置佐史俄遷右光祿大夫餘竝如故十年重爲領軍將軍尋遷安右將軍丹陽尹十三年爲中書監領太子詹事給鼓吹一部侍中將軍右光祿中正如故陵以年老累表求致仕高宗亦優之乃詔將作爲造大齋令陵就第攝事後主卽位遷左光祿大夫太子少傅餘如故至元年卒時年七十七詔曰慎終有典

抑乃舊章令德可甄諒宜追遠侍中安右將軍左光祿大夫太子少傅南徐州大中正建昌縣開國侯陵弱齡學尚登朝秀穎業高名輩文曰詞宗朕近歲承華特相引狎雖多目疾方期克壯奄然殞逝震悼于懷可贈鎮右將軍特進其侍中左光祿鼓吹侯如故并出舉哀喪事所須量加資給益日章陵器局深遠容止可觀性又清簡無所營樹祿俸與親族共之太建中食建昌邑戶送米至于水次陵親戚有貧匱者皆令取之數日便盡陵家尋致乏絕府僚恠而問

其故陵云我有車牛衣裳可賣餘家有可賣不其周給如此少而崇信釋教經論多所精解後主在東宮令陵講大品經義學名僧自遠雲集每講筵商較四座莫能與抗自有青睛時人以爲聰慧之相也自有陳創業文檄軍書及禪授詔策皆陵所製而九錫尤美爲一代文宗亦不以此矜物未嘗詆訶作者其於後進之徒接引無倦世祖高宗之世國家有大手筆皆陵草之其文頗變舊體緝裁巧密多有新意每一文出手好事者已傳寫成誦遂被之華夷家藏其本

後聞喪亂多散失存者三十卷有四子儉份儀傳
史臣曰徐孝穆挺五行之秀稟天地之靈聰明特達
籠罩今古及締構興王遭逢泰運位隆朝宰獻替謀
猷蓋亮直存矣孝克砥身厲行養親逾禮亦參閱之
志歟

徐孝穆集目錄

卷一

賦

鴛鴦賦

詩

日華

詠雪

詠柑子

山齋

長安道

洛陽道二首

劉生

關山月二首

出自薊北門行

長相思

宛轉歌

折楊柳

梅花落二首

紫騮馬

驄馬驅

山池應令

奉和山池

征虜亭送新安王應令

別毛尚書

秋日別庾正員

新亭送別

雜曲

侍宴

和賽漢高帝廟

春情

鬪雞

詠舞

隴頭水

中婦織流黃

烏栖曲二首

詠織婦

春望

春和簡文帝山齋

同江詹事登宮城南樓

卷二

璽書

梁禪陳璽書

陳高祖勅州郡璽書

冊命

陳公九錫文

詔

陳文帝登祚尊皇太后詔

始興王詔

進武帝爲長城公詔

卷三

表

讓五兵尚書表

勸進元帝表

讓散騎常侍表

爲王儀同致仕表

爲始興王讓瑯琊二郡太守表

讓左僕射初表

讓右僕射初表

啓

成安王讓錄尚書表後啓

謝兒報坐事付治中啓

謝敕賚燭監賞荅齊國移文啓

謝敕賜祀三皇五帝餘饌啓

謝賚麕啓

謝賚蛤啓

謝東宮賚蛤蜊啓

謝救賚烏賊啓

卷四

書

武皇帝作相時與嶺南酋豪書

與楊僕射書

與王僧辨書

卷五

書

與顧記室書

梁貞陽侯與王太尉僧辨書

爲王太尉僧辨荅貞陽侯書

梁貞陽侯荅王太尉書

荅諸求官人書

代梁貞陽侯與荀昂兄弟書

荅周主論和親書

卷六

書

梁貞陽侯重與王太尉書

王太尉僧辨荅貞陽侯書

梁貞陽侯與陳司空書

代陳司空荅書

梁貞陽侯重與裴之橫書

裴之橫荅書

貞陽侯荅王太尉書

為陳高祖與周宰相書

武皇帝作相時與北齊廣陵城主書

卷七

書

荅周處士書

荅族人梁東海太守長孺書

與李那書

報尹義尚書

在北齊與宗室書

與王吳郡僧智書

荅李顒之書

與周冢宰宇文護論邊境事書

與章司空昭達書

諫仁山深法師罷道書

與天台智者大師書

重與天台智者大師書

重與天台智者大師書

上智者法師書

卷八

頌

皇太子臨辟雍頌

銘

太極殿銘

麈尾銘

序

玉臺新詠序

移文

為護軍長史王質移文

移齊文

檄文

檄周文

卷九

碑

徐州刺史侯安都德政碑

廣州刺史歐陽頤德政碑

晉陵太守王厲德政碑

孝義寺碑

齊國宋司徒寺碑

東陽雙林寺傅大士碑

天台山館徐則法師碑

長干寺眾食碑

丹陽上庸路碑

卷十

哀冊

陳文皇帝哀冊文

墓誌

司空河東康簡王墓誌銘

司空章昭達墓誌銘

裴使君墓誌銘

徐孝穆集目錄終

徐孝穆集卷一

陳郊徐陵著

明東海屠隆評

賦

鴛鴦賦

飛飛兮海濱、去去兮迎春、炎皇之季女、織素之佳人、
未若宋玉之小史、含情而死、憶少婦之生離、恨新婚
之無子、既交頸於千年、亦相隨于萬里、山雞映水、那
自得、孤鸞照鏡、不成雙、天下真成長、合會無勝比、翼
兩鴛鴦、觀其哢吭浮沈、輕軀澆滯、拂荇戲而波散、排

荷翻而水落。特訝鴛鴦鳥。長情真可念。許處勝人多。
何時肯相厭。聞道鴛鴦一鳥名。教人如有逐春情。不
見臨邛卓家女。祇爲琴中作許聲。

詩

日華

朝暉爛曲池。夕照滿西陂。復有當晝景。江上鑠光儀。
時從高浪歇。乍逐細波移。一在雕梁上。詎比扶桑枝。

雁蕩龍湫
日華搖曳
確是此景

詠雪

瓊林玄圃葉。桂樹日南華。豈若天庭瑤。輕雪帶風斜。
三農喜盈尺。六出舞崇華。明朝闕門外。應見海神車。

詠甘子

朱實挺江南。苞品擅珍淑。上林雜嘉樹。江潭間修竹。

摩詰大同
殿生玉芝
龍池上有
慶雲題全
學此格

萬室擬封家。千株挺荆國。綠葉萋以布。素榮芬且郁。
得陳終宴歡。良垂雲雨育。

山齋

桃源驚往客。崔嶠斷來賓。復有風雲處。蕭條無俗人。
寒山微有雪。石路本無塵。竹徑朦朧巧。茅齋結構新。
燒香披道記。懸鏡壓山神。砌水何年溜。簷桐幾度春。
雲霞一已絕。寧辨漢將秦。

長安道

輦道乘雙闕。英雄被五都。橫橋象天漢。法駕應坤圖。

隨何安鳳
簪魚文之

其不及遠

洛陽道

韓康賣良藥。董偃鬻明珠。喧喧擁車騎。非但執金吾。
綠柳三春暗。紅塵百戲多。東門向金馬。南陌接銅駝。
乘軒翼葆吹。飛蓋響鳴珂。潘郎車欲滿。無奈擲如何。

其二

洛陽馳道上。春日起塵埃。濯龍望如水。河橋渡似雷。
聞珂知馬蹀。傍幔見薨開。相看不得語。密意眼中來。

劉生

劉生殊倜儻。任俠遍京華。戚里驚鳴筑。平陽吹怨笳。

揚盈川劍
鋒馬足更

覺蟬噪

俗儒排石氏，新室是誰家。高才被擯，壓自古共憐嗟。

關山月

梁元帝作
終帶香奩
氣不若此
之壯渾

關山三五月，客子憶秦川。思婦高樓上，當牕應未眠。星旗映疎勒，雲陣上祁連。戰氣今如此，從軍復幾年。

其二

月出柳城東，微雲掩復通。蒼茫縈白暈，蕭瑟帶長風。羌兵燒上郡，胡騎獵雲中。將軍擁節起，戰士夜鳴弓。

出自薊北門行

薊北聊長望，黃昏心獨愁。燕然對古剎，代郡隱城樓。

微雷挾電
動魄驚心

屢戰橋恒斷，長冰塹不流。天雲如地陣，漢月帶胡秋。乞土泥函谷，接繩縛涼州。平生燕頷相，會自去封侯。

長相思

長相思，望歸難。傳聞更始戍樓蘭，隴城遠，雁門寒。愁來瘦轉劇，衣帶自然寬。念君今不見，誰為抱腰看。

宛轉歌

壁青蓮之
盪蕩

七夕天河白露明，八月濤水秋風驚。樓中恒聞哀曲響，塘上復有苦辛行。不解何意悲秋氣，直置無秋悲自生。不怨前堦促織鳴，偏愁便路擣衣聲。別燕差池

自有返。離嬋寂莫詎含情。雲聚含情四望臺。月冷相思九重觀。欲題芍藥詩不成。來採芙蓉花已散。金樽送曲韓娥起。玉柱調絲楚妃勸。翠眉結恨不復開。寶鬢迎秋度前亂。湘妃拭淚洒貞筠。行樂翫花何處人。柔風胸洩步步香。飛金箔履盈盈扇。掩珊瑚脣已言採桑期。陌上復能解珮就江濱。競入華堂耍花枕。爭開羽帳奉華茵。不惜獨眠前下鈎。欲許便作後來新。後來暝暝同匡床。可憐顏色無比方。誰能巧笑時窺井。乍取新聲舉遶梁。宿處留嬌墮黃珥。鏡前含笑弄明璫。卷施

嬌絕癡絕

摘心。心不盡。茱萸折葉葉更芳。已聞能歌洞簫賦。詎是故愛邯鄲倡。

折楊柳

嫋嫋河堤樹。依依魏主營。江陵有舊曲。洛下作新聲。妾對長楊苑。君登高柳城。春還應共見。蕩子太無情。

梅花落

臘月正月早驚春。衆花未發梅花新。可憐芬芳臨玉臺。朝攀晚折還復開。長安年少多輕薄。兩兩常唱梅花落。蒲酌金杯催玉柱。落梅樹下宜歌舞。金谷萬株

佳句乘風
欲去

連綺。花密處藏嬌。鶯桃李佳人欲相照。摘葉牽
花來竝笑。楊柳條青樓上輕。梅花色白雪中明。橫笛
短簫悽復切。誰知栢梁聲不絕。

其二

對戶一株梅。新花屢發材。鶯拾還蓮井。風吹上鏡臺。
倡家愁思妾。樓上獨徘徊。啼和竹葉錦。笑罷未能裁。

紫駟馬

玉鐙繡纏髻。金鞍錦覆幪。風驚塵未起。草淺埒猶空。
角弓連兩兔。珠彈落雙鴻。日斜馳逐罷。連翩還上東。

唐朝四傑
之祖稱簡
文不及也

驄馬驅

白馬號龍駒。雕鞍名鏤衢。諸兄二千石。小婦字羅敷。
倚端輕掃史。召募繫休屠。塞外多風雪。城中絕詔書。
空憶長楸下。連蹠復連蹠。

山池應令

畫舸圖仙獸。飛艫挂采旂。榜人事輕漿。約女理銀鈎。
細萍時帶檝。低荷乍入舟。猿啼知谷晚。蟬思覺山秋。

奉和山池

羅浮無定所。鬱鳥屢遷移。不覺因風雨。何時入後池。

樓臺非一勢。臨玩自多奇。雲生對戶石。猿掛入欄枝。

征虜亭送新安王應令

鳳吹臨南浦。神駕餞東平。亭迴漳水乘。旆轉洛濱笙。
地凍斑輪響。風嚴羽蓋輕。燒田雲色暗。古樹雪花明。
岐路一迴首。流襟動睿情。

別毛尚書

顧子厲風規。歸來振羽儀。嗟余今老病。此別畏長離。
白馬君來哭。黃泉我詎知。徒勞脫寶劍。空掛隴頭枝。

秋日別庾正員

征途愁轉旆。連騎憐停鑣。朔氣陵疎木。江風送上潮。
青雀離帆遠。朱鸞別路遙。唯有當秋月。夜夜止河橋。

新亭送別

風吹臨伊水。時駕出河梁。野燎村田黑。江秋岸荻黃。
隔機聞上鼓。回舟隱去檣。神襟愛遠別。流涕極清漳。

雜曲

傾城得意已無儔。洞房連閣未消愁。宮中本造鴛鴦
殿。為誰新起鳳凰樓。綠黛紅顏兩相發。千嬌百態情
無歇。舞衫回袖勝春風。歌扇當牕似秋月。碧玉宮妓

愕然

右陵字 廷字

雷得雖淡

自翩妍。絳樹新聲最可憐。張星舊在天河上。從來張
姓本連天。二八年時不憂度。傍邊得寵誰相妬。立春
曆日自當新。正月春幡底舊故。流蘓錦帳挂香囊。織
成羅幔隱燈光。祇應私將虎珀枕。暝暝來上珊瑚床。

侍宴

園林才有熱。夏淺更勝春。嫩竹猶含粉。初荷未聚塵。
承恩與下席。應阮獨何人。

和賽漢高帝廟

山宮類牛首。漢寢若龍川。玉樹春風入。金人。

使事融化

丹帷迫靈岳。紺席下羣仙。堂空沛筑響。釵低戚舞妍。
何殊后廟裏。子建作華篇。

春情

風光今日旦。動雪色故年。殘薄夜迎新節。當鑪却晚寒。
故香分細霧。石炭擣輕紈。竹葉裁衣帶。梅花奠酒盤。
年芳袖裏出。春色黛中安。欲知迷下蔡。先將過上蘭。

鬪雞

季子聊爲戲。陳王欲騁才。花冠已衝力。金爪復驚媒。
鬪鳳羞衣錦。雙鸞耻鏡臺。陳倉若有信。爲覓寶雞來。

格局微乖
整聚全以
嫵媚動人

字字貼切
却不粘帶

詠舞

十五屬平陽。因來入建章。主家能教舞。城中巧畫粧。
天然秀麗。低鬟向綺席。舉袖拂花黃。燭送空邊影。衫傳篋裏香。
當由好留客。故作舞衣長。

隴頭水

別途聳千仞。離川懸百丈。攢荆夏不通。積雪冬難上。
景畢具。枝交隴底暗。石礙波前響。迴首咸陽中。唯言往時夢。

中婦織流黃

落花還井上。春機當戶前。帶衫行障口。覓釧枕檀邊。

數。鑷。經。無。亂。新。漿。緯。易。牽。蜘蛛夜伴織。百舌曉驚眠。
封用黎陽土。書因計吏船。欲知夫婿處。今督水衡錢。

烏棲曲

卓女紅妝期此夜。胡姬沽酒誰論價。風流荀令好兒郎。
郎偏能傅粉。復薰香。

其二

繡帳羅帷隱燈燭。一夜千年猶不足。唯憎無賴汝南雞。
雞。天河未落猶爭啼。

詠織婦

太白固為。懷愴而含。情設色極。墨之光欲。流以讓此。老

織織運玉指。脉脉正蛾眉。振躡開交縷。停梭續斷絲。
簷前初月照。洞戶未垂帷。弄機行掩淚。彌令織素遲。

春望

岸烟起暮色。岸水帶斜暉。逕狹橫枝度。簾搖驚燕飛。
落花承步履。流澗寫行衣。何殊九芝盡。薄暮洞庭歸。

奉和簡文帝山齋

架嶺承金闕。飛橋對石梁。竹密山齋冷。荷開水殿香。
山花臨舞席。水影照歌牀。

同江詹事登宮城南樓

元良居上德。率土被中孚。漢幄朝無怠。周門夕復趨。
桓經既受業。賀拜且尊儒。壯志諧風雅。高文會斗樞。
鏗鏘叶舞蹈。炤爛等琨瑜。溝水慙雄伯。漳川仰大巫。
鮑魚寧入俎。鈞鼈匪充廚。叔譽恒詞屈。防年豈濫誅。

青蓮全用
此句

徐孝穆集卷二

陳郟徐陵著

明東海屠隆評

璽書

梁禪陳璽書

君子者。自昭明德。達人者。先天弗違。故能進退咸亨。動靜元吉。朕雖蒙寡。庶乎景行。何則。三才剖判。九有區分。情性相乖。亂離云起。是以建彼司牧。推乎聖賢。授受者。任其時來。皇王者。本非一族。人謀是與。屈已從萬物之心。天意斯歸。鞠躬奉百靈之命。謳歌所往。

如帝紀之
籠百事如
軌象之包
六文

則攘袂以膺之。菁華已竭，乃褰裳而去之。昔在唐虞，鑒於天道，舉其黎獻，授彼明哲。雖復質文殊軌，沿革不同，歷代因循，斯風靡替。我大梁所以考庸太室，接禮貳宮。月正元日，受終文祖。但運不常，夷道無恒。泰山嶽傾，偃河海沸騰。電日雷聲，之禽鉤爪，鋸牙之獸，咀齧含生。不知紀極，二后英聖，相仍在天。六夷貪狡，爭侵中國。縣王都帝人，懷干紀一民。尺土皆非梁地，朕以不造，幼罹閔凶。仰憑衡佐，亟移年序。周成漢惠，邈矣無階。惟是童蒙，必貽顛蹙。若使時無聖哲，世靡艱難。猶當高蹈于滄洲，自求於泰伯者矣。惟王應期誕秀，開籙握圖。性道故其難聞，嘉庸以其被物。乾行同其燾覆，日馭比其貞明。登承聖於復禹之功，樹鞠子於興周之業。滅陸渾於伊洛，殲驪戎於鎬京。大小二震之驍徒，東南兩越之勅寇。遽行天討，無遺神策。仁霑葭葦，信及豚魚。殷牖斯空，夏臺虛設。民惟大畜，野有同人。加以雲飛紫蓋，水躍黃龍。東伐西征，掩映川陸。榮光曖曖，已冒墟塵。甘露瀼瀼，亟流庭苑。車轍馬跡，誰不率從。蟠水流沙，誰不懷德。祥圖遠至，非唯

赤伏之符。靈命昭然。何止黃星之氣。且自攝提無紀。孟陬殄滅。枉矢宵飛。天弧曉映。久矣夷羊之在牧。時哉蛟龍之出泉。革運之兆咸徵。惟新之符竝集。朕以欽若勛華。屢回星琯。昔者木運斯盡。予高祖受焉。今歷去炎精。神歸樞紐。敬以火德傳於爾陳。遠鑒前王。近謀羣辟。明靈有悅。率土同心。今遣使持節兼太保侍中尚書左僕射平樂亭侯王通。兼太尉司徒左長史王瑒。奉皇帝璽綬。受終之禮。一依唐虞故事。王其時陟元后。寧育兆民。光闡洪猷。以承昊天之命。

陳高祖勅州郡璽書

夫四王革代。商周所以應天。五勝相推。軒義所以當運。梁德不造。喪亂積年。東夏崩騰。西都蕩覆。蕭勃干紀。非唯趙倫。侯景滔天。踰於劉載。貞陽反墓。賊約連兵。江左累屬於鮮卑。金陵久非於梁國。有自氤氳混沌之世。龍圖鳳紀之前。東漢興平之初。西朝永嘉之亂。天下分崩。未有若於梁朝者也。朕以虛薄。屬當興運。自昔登庸。首清諸越。徐門浪泊。靡不征行。浮海乘山。所在戡定。冒愆風塵。騁馳師旅。六延梁祀。十翦疆

興重

華纒可敵
蔚宗

寫出玉宇
光華百靈
欣慶之意
如金在鎔
熠燿不定

寇豈曰人謀。皆由天啓。梁氏以天祿斯改。期運永終。
欽若唐虞。推其鼎玉。朕東西退讓。拜手陳辭。避舜子
於箕山之陽。求支伯於滄洲之野。而公卿敦逼。率土
翹惶。天命難稽。遂享嘉祚。今月乙亥。升禮太壇。言念
遷桐。但有慙德。自梁氏將末。頻月亢陽。火運斯終。秋
霖奄降。翼日成禮。圓丘宿設。埃雲晚霽。星象夜張。朝
景重輪。法三危之膏露。晨光合璧。帶五色之卿雲。顧
惟寡薄。彌慙休祉。昧且不顯。方思至治。卿等擁旄方
岳。相任股肱。剖符名字。方寄恤隱。玉曆惟新。念有欣
慶。想深求民瘼。務在廉平。愛惠以撫孤貧。威刑以禦
疆猾。若有萑蒲之盜。或犯戎商。山谷之首。擅彊幽險。
皆從肆赦。咸使知聞。如或迷途。俾在無貸。今遣使人。
具宣往昔。念思善政。副此虛懷。

冊命

陳公九錫文

大哉乾元。資日月以貞觀。至哉坤元。憑山川以載物。
故惟天爲大。陟配者欽明。惟王建國。翼輔者齊聖。是
以文武之佐。磻溪蘊其玉璜。堯舜之臣。澗河鏤其金

版况乎體得一之鴻姿。寧陽九之危厄。拯橫浦於碣石。撲燎火於崑岑。驅馭於韋彭。跨蹠於秦晉。神功行而靡用。聖道用而無名者乎。今將授公典策。其敬聽朕命。日者昊天不弔。鍾亂於我國家。網漏吞舟。疆胡內曩。茫茫宇宙。慄慄黎元。方足圓顛。萬不遺一。太清否亢。橋山之痛已深。大寶屯如。平陽之禍相繼。上宰膺運。康救兆民。鞠旅於滇池之南。揚旌於桂嶺之北。懸三光於已墜。謚四海於群飛。屠猥獠於中原。斲鯨鯢於濛汜。蕩寧上國。光啓中興。此則公之大造於皇

家者也。既而天未悔禍。夷醜薦臻。南夏崩騰。西京蕩覆。羣胡孔熾。藉亂乘間。推納藩枝。盜假神器。冢司昏撓。旁引寇讐。既見貶於桐宮。方謀危於漢閣。皇運已殆。何殊贅旒。中國搖然。非徒如綫。公赫然投袂匡救。本朝復莒齊都。平戎王室。朕所以還膺寶歷。重履宸居。挹建武之風猷。訶宣王之雅頌。此又公之再造於皇家者也。公應務之初。登庸惟始。三川五嶺。莫不窺臨。銀洞珠宮。所在寧謐。孫盧肇釁。越貊為災。番部阡危。勢將淪殄。公赤旗所指。祇壘洞開。白羽纒撟。兇徒

海胡為枕
琉璃為牆
且水精為
柱礎不過
如此

未必能廓
定四海混
一戎戎特
鋪張之體
五爾

粉潰非其神武。久喪南藩。此又公之功也。大同之末。
邊政不修。李賁狂迷。竊我交愛。敢稱大號。驕恣甚於
尉陀。據有連州。雄豪熾於梁碩。公英譽雄美。電掃風
行。馳御樓船。直跨滄海。新昌典徹。備履艱難。蘇歷嘉
寧。盡爲京觀。三山徠洞。八角蠻陬。逃矣。水寓之鄉。悠
哉。火山之國。馬援之所不屆。陶璜之所未聞。莫不懼
我王靈。爭朝邊候。歸琛天府。獻狀鴻臚。此又公之功
也。自寇虜陵江。宮闈幽辱。公枕戈嘗膽。提劍撫心。氣
涌青霄。神飛紫闥。而番禺連率。本自諸夷。言得其朋。
是懷同惡。公仗此忠誠。乘機勦定。執沛令而擧鼓。平
新野而據鞍。此又公之功也。世道初艱。方隅多難。勳
門桀黠。作亂衡嶷。兵切池隍。衆兼夷獠。公以國盜邊
警。知無不爲。卹是同盟。誅其醜類。莫不魚驚鳥散。面
縛頭懸。南土黔黎。重保蘇息。此又公之功也。長驅嶺
嶠。夢想京畿。緣道酋豪。遞爲榛梗。路養渠率。全據大
都。蓄聚逋逃。方謀阻亂。百樓不戰。雲梯之所未窺。萬
弩齊張。高輶之所非敵。公龍驤虎步。嘯吒風雲。山靡
堅城。野無疆陣。清妖氛於瀨石。滅沴氣於雩都。此又

公之功也。遷仕凶匿。屯據大臯。乞活類馬。騰之軍流。民多杜弢之衆。推鋒轉鬪。自北徂南。頻歲稽誅。實惟勅虜。公坐揮三畧。遙制六奇。義勇同心。貔貅騁力。雷奔電擊。谷靜山空。列郡無犬吠之驚。叢祠罷狐鳴之盜。此又公之功也。王師討虜。次屆淪波。兵乏兼儲。士有饑色。公回麾蠡澤。積穀巴丘。億庾之詠。斯豐。壺漿之迎。是衆。軍民轉漕。曾無砥柱之難。艫舳相望。如運敖倉之府。犀渠貝冑。顧茂雷霆。高艦層樓。仰捫霄漢。故使三軍勇銳。百戰無前。承此兵糧。遂殄兇逆。此又

公之功也。若夫英圖邁俗。義旅如雲。溢壘猜攜。用淹戎略。公志唯同。獎師克在和。鵠塞非虞。鴻門是會。若晉侯之誓白。水如蕭王之推赤心。屈禮交盟。人祇感咽。故使舟師並路。遠邇同心。此又公之功也。姑熟襟要。嶠函阻憑。寇虜據其關梁。大盜負其肩鏞。公一枝裁。搗三雄並奮。左賢右角。沙潰土崩。木甲殪於中原。羶裘赴於江水。他他藉藉。萬計千群。鄂坂之隘。斯開。夷庚之道。無塞。此又公之功也。義軍大衆。俱集帝京。逆豎兇徒。猶屯皇邑。若夫表裏山河。金湯嶮固。疏龍

取材於上
荆羽獵

點綴左傳
如落花依
草

首以抗殿。榦華嶽以爲城。維虜憑焉。強兵自若。公回
茲地軸。抗此天羅。曾不崇朝。俾無遺噍。軍容甚穆。國
政方修。物重覩於衣冠。民還瞻於禮樂。楚人滿道。爭
覩於葉。公漢老銜悲。俱觀於司隸。此又公之功也。內
難初靖。諸侯出關。外郡傳烽。鮮卑犯塞。莫非且渠。當
戶中貴明王。冀馬列於淮南。胡笳動於徐北。公舟師
步甲。亘野橫江。殲厥群衆。遂殫封豨。莫不絀木而止。
戎車靡遺。遇濘而旋。歸驂盡殪。此又公之功也。公克
黜禍難。劬勞皇室。而孫甯之黨。翻啓狄心。伊洛之間。

殊形詭類
紛集筆端

咸爲虜戍。雖金陵佳氣。石壘天嚴。朝闇戎塵。夜喧胡
鼓。公三籌旣畫。八陣斯張。裁舉靈旗。亦抽金僕。咸俘
醜類。悉反高墉。異李廣之皆誅。同龐元之盡赦。此又
公之功也。任約叛渙。梟聲不悅。戎羯貪婪。狼心無改。
穹廬瓊幕。抵北闕而爲營。烏孫天馬。指東都而成陣。
公左甄。右落箕。張翼舒掃。是攬槍驅其獫狁。長狄之
種。埋於國門。椎髻之首。烹於軍市。投秦坑而盡沸。噎
灘水而不流。此又公之功也。一相居中。自折彘鼎。五
湖小守。妄懷同惡。公夙駕兼道。秉羽杖戈。玉斧將揮。

金鉦且戒。祆酋震懾。遠請灰釘。藝櫬以表其舍。弘焚書以安其反。側此又公之功也。賊龕兇橫。陵虐具區。阻兵安忍。憑災怙亂。自古蟲言鳥跡。混沌洪荒。凡或虔劉。未此殘酷。公雖宗居汝潁。世寓東南。育聖誕賢之鄉。合章挺生之地。眷言桑梓。公私憤切。卓爾英狀。承規奉算。戮此大憝。如烹小鮮。此又公之功也。亂離永久。羣盜孔多。浙左兇渠。連兵構逆。豈止千兵五校。白雀黃龍已哉。公以中軍無率。選是親賢。奸寇途窮。濯然冰泮。刑澹之所。文命動其大威。雷門之間。勾踐

行其嚴戮。英規聖跡。異代同風。此又公之功也。同姓有扈。頑兇不賓。憑藉宗盟。圖危社稷。觀兵滙澤。勢震京師。驅率南蠻。已爲東帝。公論兵於廟堂之上。決勝於尊俎之間。寇賈樊滕。浮江下瀨。一朝揃撲。無待旬師。萬里澄清。非勞新息。此又公之功也。豫章祆寇。依憑山澤。繕甲完聚。各歷歲時。結從連橫。爰洎交廣。呂嘉旣獲。吳濞已縱。命我還師。征其不恪。連營盡拔。僞黨斯擒。曜聖武於匡山。回神旌於蠡派。此又公之功也。自八紘九野。瓜剖豆分。竊帝偷王。連州比縣。公武

靈已暢文德又宣折簡馳書風猷斯遠至於蒼蒼浴
日杳杳無雷北泊丈夫之鄉南踰女子之國莫不屈
膝膜拜求吏欵關此又公之功也京師禍亂亟積寒
暄雙闕低昂九門寥豁寧秦宮之可顧豈魯殿之猶
存五都簪弁百僚卿士胡服纓纓咸爲戎俗高冠厚
履希復華風宋微子麥稷之歌周大夫黍離之歎方
之於斯未足爲悲矣公求衣昧旦具食高春典構宮
闈具瞻遐邇膠庠宗稷之典六符十等之章還聞太
史之風流重覩永平之遺事此又公之功也公有濟

天下之勲重之以明德凝神體道合德符天用百姓
以爲心隨萬機而成務耻一物非唐虞之民歸含靈
於仁壽之域上德不德無爲以爲夏長春生顯仁藏
用忠信爲寶風雨弗憊仁惠爲基牛羊勿踐功成治
定樂奏咸雲安上治民禮兼文質物色丘園衣裾里
巷朝多君子野無遺賢菽粟同水火之饒工商富猗
頓之旅是以天無蘊寶地有呈祥滴露卿雲朝團曉
映山車澤馬服馭登閑旣景煥於圖書方歲蕤於史
牒高勲踰於象緯積德冠於嵩華固無得而稱者矣

藻色霞披
堪入雪兒
歌咏

朕又聞之。前王宰世。茂賞尊賢。式樹蕃長。總征羣伯。
二南崇絕。四履遐曠。泱泱表海。祚土維齊。巖巖泰山。
俾侯於魯。抑又勤王。反鄭夾輔。遷周召伯之命。斯隆。
河陽之禮咸備。况復經營宇宙。寧唯斷鱉足之功。弘。
濟蒼生。非直鑿龍門之嶮。而疇庸報德。寂爾無聞。朕。
所以垂拱當宇。載懷慙悸者也。今授公相國。以南豫。
州之陳留。南丹陽。宣城。揚州之吳興。東陽。新安。新寧。
南徐州之義興。江州之鄱陽。臨川。十郡。封公爲陳公。
錫茲青土。苴以白茅。爰定爾邦。用建冢社。昔旦奭分。

陝俱爲保師。晉鄭諸侯。咸作卿士。兼其內外。禮實攸。
宜。今命使持節兼太尉王通。授相國印綬。陳公璽紱。
使持節兼司空王瑒。授陳公茅土金獸符。第一至第。
五。左竹使符。第一至第十。相國秩踰三鉉。任總百司。
位絕朝班。禮由事革。其以相國總百揆。除錄尚書之。
號。上所假節侍中貂蟬。中書監印章。中外都督太傅。
印綬。義興公印策。其鎮衛大將軍揚州牧如故。又加。
公九錫。其敬聽後命。以公禮爲楨榦。律等銜策。四維。
皆舉。八柄有章。是用錫公大輅戎輅各一。玄牡二駟。

以公賤寶崇穀。疏爵待農。室富京坻。民知榮辱。是用錫公衮冕之服。赤舄副焉。以公調理陰陽。燮諧風雅。三靈允降。萬國同和。是用錫公軒縣之樂。六佾之舞。以公宣導王猷。弘闡風教。光景所照。鞮象必通。是用錫公朱戶以居。以公抑揚清濁。褒德進賢。髦士盈朝。幽人虛谷。是用錫公納陛以登。以公嶷然廊廟。爲世鎔範。折衝四表。臨御八荒。是用錫公武賁之士三百人。以公執茲明罰。期在刑措。象恭無赦。干紀必誅。是用錫公斧鉞各一。以公英猷遠量。跨厲嵩溟。抱一車書。括囊寰宇。是用錫公彤弓一。彤矢百。旅弓十。旅矢千。以公天經地義。貫徹幽明。春露秋霜。允恭烝盛。是用錫公秬鬯一卣。圭瓚副焉。陳國置丞相以下一遵舊式。往欽哉。其恭循朕命。克相皇天。弘建邦家。允興洪業。以光我高祖之休命。

詔

陳文帝登祚尊皇太后詔

朕以虛薄。才非弘濟。竊守藩維。常懼盈滿。豈圖蒼昊不弔。國步艱難。皇嗣元良。藐在嶠涓。二臣奉迎。川塗

詞並阮箋
諷諫自別

靡從六傳還朝。淹留未日。令國圖無主。家業事隆。上奉父母之嚴規。下逼羣公之廷諍。遂以庸質。升纂帝基。對揚大化。彌增號懼。今宜式遵舊則。奉上皇后尊號。爲皇太后。御慈訓宮。一依前典。若中流靜晏。皇嗣歸來。輒當解紱於箕山之陽。歸老于瑯琊之國。復子明辟。還承寶圖。若問與夷無媿。園寢。

始興王詔

漢祖天倫。伯叔追封。晉元世系。瑯琊傳國。仰惟二后。重光率由前典。朕昔因藩次。蒙繼本宗。分在要荒。久離寒燠。天嘉紹祚。別命皇枝。歸自嶠函。禮隔登獻。每至霜庭。可履矚垣。寢而懷悲。風樹鳴條。望章陵而增感。今嗣王乖德。獲罪慈訓。永言主奠。宜自朕躬。但國步時艱。皇基務切。復奉家業。升纂帝圖。重違情理。言深哽慟。可以第二皇子。升陵爲始興王。

進武帝爲長城公詔

德懋懋。功懋懋。賞皇王盛則。所謂元龜司空公南徐州刺史。長城縣開國侯。諱志懷。寅亮風度。弘遠體文。經武明允。篤誠曩者。率五嶺之疆兵。誅四海之

警敵。固以勒功彝鼎。書勲太常。克定京師。勤勞自重。
自鎮撫枌榆。永寧豐沛。東涼既息。北蔡無歸。代馬燕
犀。氣雄天下。裏糧坐甲。固敵是求。方欲大討於秦嶺。
敦修於與睦。叶謀上相。爰納朕躬。思所以敬答忠勳。
用申朝典。可進爵爲長城縣公。

徐孝穆集卷二終

徐孝穆集卷三

陳郟徐陵著

明東海屠隆評

表

讓五兵尚書表

臣聞仲尼大聖。猶云書不盡言。士衡高才。嘗稱文不逮意。臣比哀痾日積。思緒茫然。頻託朋游。爲裁章表。雖復陳琳健筆。未盡愚懷。孫惠詞人。頗加煩飾。所以高天緬邈。弗降昭回。瞻拜絲綸。更增憂憊。臣雖不敏。弱冠登朝。伊言承華。豫遊多士。晚逢興運。爰濫寵私。

於五兵貼
切絕不支
蔓

爾時四郊多壘。七雄分爭。國家制度。日不暇給。趙宮
論受命之宜。隨邑奏升壇之禮。而參聞秘計。弗解單
于之兵。飛箭馳書。未動聊城之將。不期枚乘老叟。忽
降時恩。馮唐暮年。見申明主。擢宰京邑。朝坐棘林。遂
致洛陽無雨。非比長安多盜。其宜屏錮。用寘嚴科。猶
處名僚。久爲叨竊。但著書天祿。雖如劉向。朔望登朝。
轉同王隱。於其朽劣。尚可從容。司會文昌。邈然非據。

勸進元帝表

封唐有聖。還承帝嚳之家。居代維賢。終纂高皇之祚。

莊嚴

總是天與
人歸出得
美麗

無爲稱於華舄。至治表於垂衣。而撥亂反正。非聞前
古。至如金行重作。源出東筦。炎運猶昌。枝分南頓。豈
得掩顯姓於軒轅。非才子於顓頊。莫不因時多難。俱
繼神宗者也。伏惟陛下。出震等於助華。鳴謙同於旦
奭。握袞秉鉞。將在御天。玉勝珠衡。先彰元后。神祇所
合。非惟太室之祥。圖謀斯歸。何止堯門之瑞。若夫大
孝聖人之心。中庸君子之德。固以作訓生民。貽風多
士。一日二日。研覽萬機。允文允武。包羅羣藝。擬茲三
大。賓是四門。歷試諸艱。咸熙庶績。斯無間而稱也。自

無妄爲象。鍾禍上京。梟獍虔劉。宗社蕩墜。麟頭銜額。興暴皇年。封豨修虵。行災中國。靈心所宅。下武其興。望紫極而行號。瞻丹陵而殞慟。家寃將報。天賜黃鳥。之旗國害。宜誅神奉。玄狐之錄。尅李軼於河津。征陶謙於海岱。滕公擁樹。雄氣方嚴。張繡交兵。風神彌勇。忠誠貫於日月。孝義感於冰霜。如雷如霆。非貌非虎。前驅效命。元惡斯殲。旣挂膽於西州。方然臍於東市。蚩尤三塚。寧謂嚴誅。王莽千剗。非云明罰。青羌赤狄。同界狼豺。胡服夷言。咸爲京觀。邦畿濟濟。還見隆平。

宗祀懔懔。方承多福。自氛氳渾沌之世。驪連栗陸之君。卦起龍圖。文因鳥跡。雲師火帝。非無戰陣之風。堯誓湯征。咸用干戈之道。星躔東井。時破嶠潼。雷震南陽。初平尋邑。未有援三靈之已墜。救四海之羣飛。赫明明龔行天罰。如當今之盛者也。於是卿雲似蓋。晨映姚鄉。甘露如珠。朝垂原寢。芝房感德。咸出銅池。莫羨伺辰。無勞銀箭。重以東漸。玄菟西踰。白狼高柳。生風扶桑。銜日莫不編名。屬國歸貢。鴻臚荒服。來賓遐邇。同慶其文。昭武穆。跗萼也。如彼。天平地成。功業

高藻妍詩
深共益于
格上

也如此。又應旁求掌故。詢詔天官。斟酌繁昌。經營高
邑宗王。啟霸非勞。五德之侯。清蹕無虞。何事長安之
邸。揚龍旂以饗帝。御鳳展以承天。曆數在躬。疇咨為
讓。某官等至鄴。伏承聖旨。謙冲為而不宰。或云洛陽
未復。函谷無泥。旋駕金陵。方膺天睴。愚謂大庭少昊。
非有定居。漢祖殷宗。皆無恒宅。登封岱嶽。且署明堂。
巡狩荊州。時行司隸。何必西瞻虎踞。乃建王宮。南望
牛頭。方稱天闕。抑又聞之。玄珪既錫。蒼玉無陳。乃械
樸之愆期。非苞茅之不貢。雲和之瑟。久廢甘泉。孤竹

留滯周南
同太史公
之恨雖勤
進而神情
彌愴

之管。無聞方澤。豈不懼歟。伏願陛下。因百姓之心。振
萬邦之命。豈可逡巡。固讓方示。石戶之農。高謝為君。
徒弘箕山之客。未知上德之不德。惟見聖人之不仁。
率土翹瞻。蒼生何望。昔蘇季張儀。違鄉負俗。尚復招
三方以事趙。請六國以尊秦。况臣等預奉皇華。親承
朝命。珪璋特達。通聘河陽。貂珥雍容。尋盟渾水。加牢
貶館。隨世汗隆。瞻望鄉關。誠均休戚。但輕生不造命。
與時乖等。一介之行人。同三危之遠擯。承間內殿。事
絕耿弇之因。封奏邊城。私等劉琨之哭。

徐孝穆集 卷三 表 四

讓散騎常侍表

臣聞五十知命。宗師之格言。六百辭滿。通賢之高槩。昔墨子諸生。褰裳救楚。魯連隱士。高論却秦。况乎謬蒙知己。寧無感激。洪私過談。真以通班。司憲文昌。遂諧常伯。今者昆吾小器。諦視不見。玄黃鈞天。竝奏靜聽。能聞鍾鼓。雖神農分藥。岐伯提針。冥衆因緣。難可匡救。陛下嗣臨寶曆。光闡大猷。屬意銓衡。留情樞極。燕臺裝玉。儻不精真。齊客吹竽。諒宜澄簡。南郊奉乘。當求鄭默之才。西省文辭。應用羅含之學。

為王儀同致仕表

尺波歸海。恒嘆不居。樹火為薪。猶悲假續。况復星迴日薄。通人有乞老之言。鐘鳴漏盡。前史有夜行之誠。五陵鼎族。家傳軒冕。四姓卿侯。榮由恩澤。虛名靡實。世官非才。年力方強。不能辭退。今三元肇慶。六呂司春。得奉萬壽之盃。豫參百辟之禮。便釋朝衣。謹遵初服。同孔光之杖。載游戶庭。比廣德之車。方懸私館。

為始興王讓瑯琊二郡太守表

甫離懷袖。裁脫綺紈。適荷隆私。使膺珪組。執玉不起。

韻道而神
潔

哀辭愴語
如聆漸離
之筑

樞衣未勝。自甘泉通火。細柳屯兵。旁帶戎臣。頗同疆
場。言瞻漢草。廼曰中州。遙望胡桑。巴成邊郡。誠復居
藩體國。應思馬駿之功。論地惟親。宜慕蕭彭之勇。

讓左僕射初表

叔子讓開
府表同一
機括

臣聞七十之歲。揚雄擬經。六十之年。平津對策。若斯
強壯。無歎耆老。臣勵則。胄華軒冕。才允卿相。出納流
譽。朝野具瞻。臣弘正。國老儒宗。情尚虛簡。玄風勝業。
獨王當年。臣重器懷沈密。文史優裕。東南貴秀。朝廷
親賢。竝見壯猷。皆宜左執。若漢武好少。而微臣已老。

若周文愛老。則有此羣才。伏願天明。更謀梓匠。求其
妙選。稱是能官。

讓右僕射初表

因作受禪
文而受右
僕射行文
字與實
王於相題

加以言尋盟好。仍屬亂離。先零盜其牛馬。烏孫竊其
印綬。子卿茹雪。叔向為國。雖復東歸。備罹此厄。昔李
廣遺恨。不值漢初。甯戚自悲。不逢堯禪。臣隨望聖運。
實在權輿。時參決勝之籌。頗奏發兵之識。當塗錫舍。
非無董昭之誠。典午禪文。不降張華之實。

甲。錄。于。喉。喉。雲。味。回。爲。因。職。於。東。龍。辨。北。引。昔。李。
賦。以。言。華。盟。汝。汝。風。獨。曠。去。零。益。其。半。馮。爲。將。歸。其。
蕭。亦。對。排。匪。表。
煥。惡。辨。是。前。官。

昔。風。文。受。步。四。亦。北。羣。十。升。颯。天。即。更。蕭。辛。司。來。其。

啓

安成王讓錄尚書表後啓

臣聞間平就國。乃盛漢之常儀。邨霍無官。實宗周之明典。何則。皇季之重。非待歷階王爵之隆。自高羣辟。况臣戢翼。要荒。亟離寒暑。進慙趙勝。能定楚從。退匪齊文。馳免秦厄。固以內切皇心。外貽家恥。甘輸重餌。降禮單于。迺城十五。如諸和璧。市鄉三十。聊同寶劍。武夫力而獲諸原。微臣還而反諸敵。瞻言馬駿。著隴右之功。追念曹彰。克烏丸之虜。前王子弟。若此勲庸。

出之自然

偏其反而豈可勝愧。

謝兒報坐事付治中啓

夫拾金樵路。高士所羞。整冠李下。君子斯慎。兒報不能謹潔。敢觸嚴網。右趾鐵繫。事允法科。左校論輸。實由恩宥。老臣過庭之訓。多謝古賢折筭之杖。有愧前達。

擇字堅而難移接脉老而有韻

謝敕賚燭監賞答齊國移文啓

昔班彪草移。阮瑀裁書。馳譽當年。遂無加賞。非常大賚。始自今恩。雖賈逵之頌神雀。竇攸之對鼯鼠。漢臣

言條暢不盡卽止

射覆之言。魏士投壺之賦。方其寵錫。獨有光前。官燭斯燃。更慙良吏。霄光可學。乃會耆年。臣職居南史。身典東觀。謹述私榮。傳之方策。

謝勅賜祀三皇五帝餘饌啓

竊以甘泉之殿。舊禮義農。長樂之宮。本圖堯舜。自東京晚世。曠代無聞。西漢盛儀。復覩今日。金壺流十旬之氣。玉案備千品之羞。昔絳羅爲薦。旣延王母。紫蓋爲壇。允招太一。同斯美號。理致衆星。臣以餘年。豫開清祀。如陪瑤席。遂飲瓊漿。

謝賚麕啓

臣昨既陪羽獵。仍宴上林。固謝長卿之文。彌慙子雲之賦。預割鮮禽。已同監浦。頻蒙大臠。更異梁王。詰旦歸來。猶爲飽飫。虞衡所獻。復降命恩。賜細君以爲歡。非屠門而大嚼。

謝賚蛤啓

比鴻雀入。猶新纔變秋程。已聞冬獻。

謝東宮賚蛤蜊啓

船俗嚴戈。漁人資設于彼海童。冒茲水豹。望樓闕之之氣。得波潮之下。

謝勅賚烏賊啓

變遠庸臣。伏增銘悚。



復刊集 卷三

九

徐孝穆集卷四

陳郟徐陵著

明東海屠隆評

書

武皇帝作相時與嶺南酋豪書

合頭便占
地步得告
諭體

夫否終斯泰、屯極則亨、若日月之廻環、猶陰陽之報復。近者數鍾九厄、王室中微、聖主欽明、還承寶運、卽是高祖武皇帝之孫、世祖孝皇帝之子、重光累聖、胤國承家、天下生民、孰不歸德、賊勃不涯、䟽戚希繁、帝圖信是奸兇、階茲禍亂、自王宮再淪於醜逆、虜馬四

飲於江沱。社稷阽危。鑿輿幽辱。勃身居列岳。自御強兵。高視超超。坐觀成敗。既而天維重綴。國步還康。翻畫凶圖。更謀神鼎。且其兵馬之任。資於長昆。方牧之權。由於承聖。操兄戈而斬姪。藉國寵而弑君。不忠不義。莫斯爲甚。比春初。便遣大都督歐陽頎。據城王傅泰等。兇徒數十。遂到臨川。吾奉承朝筭。指畫戎略。樊滕耿賈。戮力爭馳。天地靈祇。水陸間道。獲傳泰不勞於一箭。擒歐陽無待於尺兵。僞黨皆俘。連城盡拔。所收軍資。不可稱筭。去月十六日。德州刺史陳法武等。

願憤迴戈。仍梟兇豎。一夫挺劍。傳首上京。萬里澄清。人神慶躍。彼豪門著姓。典牧方州。拘隔天朝。亟離寒暑。公私憤歎。豈可爲懷。今王道平夷。理增懼怵。朱明戒節。比復何如。軍士平安。境內清謐。吾以庸薄。叨秉國鈞。恒務牽纏。諸有勞弊。自天數云否。朝禍薦臻。東夏崩驕。西京蕩覆。身惟許國。任在勤王。宣力皇家。靡有寧歲。一還京師。保持鴻業。四驅夷狄。奪得江左。始則杜龕元惡。張彪不恭。據有秦稽。連縱巨震。隨機討掩。觸向平夷。叛臣任約。徐嗣徽等。屢引齊虜。前年末。

既踐京師江畔邊城皆爲戎戍。賴貔貅騁力。衛霍同心。殲厥胡夷。不日清殄。去年將夏。傾國大來。鐵騎八千許匹。甲士二十餘萬。胡塵飛于北闕。虜鼓震于南宮。躬率偏裨。聊與挑戰。虜便土崩瓦解。投險赴坑。大小皆擒。鯨鯢盡戮。三江之上。塞水無流。千里之間。伏嵐相枕。生獲大都督蕭軌。裴英。起東方老李布。光王敬寶等。虜中驍將。唯此數人。屢破關西之兵。頻取淮右之地。一朝俘斬。無復孑遺。遠邇敬欣。華夷飾帽。如聞彼虜。稍是危亾。尋命熊羆。欲就征討。方可以雷行。

趙魏電掃。幽并混一。車書勢在。朝暮而侯。瑱跋扈江州。公私阻絕。卽平北賊。仍事南征。肉袒面縛。歸首闕庭。卽爲申聞。優其禮秩。台儀不貶。位遇兼常。今所擒歐陽頎。傅泰等。莫不弘宥。政爾授其兵馬。處以榮祿。坦然遊狎。無介懷抱。年號武平。國卽清晏。君之聞此。寧不欣躍。但借緣王事。遊踐貴鄉。日想山川。依然舊識。吾旣忝荷朝私。位逾台衮。身持帝王之柄。手握天下之圖。故鄉如此。誠爲衣繡。故人不見。還同宵錦。天涯藐藐。地角悠悠。言面無由。但以情企。今者王猷帝

載化被無垠。浮海窮山。罔不咸格。投竿負鼎。馳步蒼龍。崖穴丘園。爭趨金馬。君之才具。信美登朝。如戀本鄉。不能遊宦。門中子弟。望遣來儀。當爲申聞。各處榮祿。深加將保。念嗣音郵。今遣某甲等使彼。指此不多。陳諱白。

與楊僕射書

此書灑灑萬言有嶺雲川月之姿秦嶺嶺峯之秀夷施鄭旦之

夫一言所感。凝暉照於魯陽。一志冥通。飛泉涌于疏勒。况復元首康哉。股肱良哉。隣國相聞。風教相期者也。天道窮剝。鍾亂本朝。情計馳惶。公私哽懼。而骸骨

妍足使僑童削色腐史出顏集中第一篇文字

之請。徒淹歲寒。顛沛之祈。空盈卷軸。是所不圖也。非所仰望也。執事不聞之乎。昔分鼇命鴈之世。觀河拜洛之年。則有日烏流災。風禽騁暴。天傾西北。地缺東南。盛旱坼三川。長波含五嶽。我大梁應金圖而有亢。纂玉鏡而猶屯。何則。聖人不能爲時。斯固窮通之恒理也。至如荊州刺史湘東王。機神之本。無寄名言。陶鑄之餘。猶爲堯舜。雖復六代之舞。陳於總章。九州之歌。登於司樂。虞夔拊石。晉曠調鐘。未足頌此英聲。無以宣其盛德者也。若使郊禋。楚翼寧非祀。夏之君哉。

寫景悽切

定艱難。便是匡周之霸。豈徒商王徒雍。暮月爲都。姚
帝遷河。周年成邑。方今越裳藐藐。馴雉北飛。肅春茫
茫。風牛南偃。吾君之子。含識知歸。而答旨云。何所投
身。斯其未喻。一也。又晉熙等郡。皆入貴朝。去我潯陽。
經塗何幾。至於鏞鏞。曉漏的的。宵烽隔澈。浦而相聞。
臨高臺。而可望。泉流寶盃。遙憶盜城。峰號香鑪。依然
廬嶽。日者鄱陽嗣王。治兵匯派。屯戍淪波。朝夕牋書。
春秋方物。吾無從以躡屣。彼何路而齊鑣。豈其然乎。
斯不然矣。又近者邵陵王。通和此國。郢中上客。雲聚

英雄落鬼
千古遺恨

魏都鄴。下名卿。風馳江浦。豈盧龍之徑。於彼新開。銅
馳之街。於我長閉。何彼途甚易。非勞於五丁。我路爲
難。如登於九折。地不私載。何其爽歟。而答旨云。還路
無從。斯所未喻。二也。晉熙盧江。義陽安陸。皆云款附。
非復危邦。計彼中途。便當靜晏。自斯以北。桴鼓不鳴。
自此以南。封疆未壹。如其境外。脫殞輕軀。幸非邊吏
之差。何在匹夫之命。又此賓遊。通無貨殖。忝非韓起
聘鄭。私買玉環。吳札過徐。躬要寶劍。由来宴錫。凡厥
囊裝。行役淹留。皆已虛罄。散有限之微財。供無期之

長途遙遠
三悲寥落
可於可憐

久客斯可知矣。且據圖刎首。愚者不為運斧全身。庸
流所鑒。何則。生輕一髮。自重千鈞。不以賈盜明矣。骨
肉不任充鼎俎。皮毛不足入貨財。盜有道焉。吾無憂
矣。又公家遣使。脫有資須。本朝非隆平之時。遊客豈
皇華之勢。輕裝獨宿。非勞聚櫟之儀。微騎間行。寧望
輶軒之禮。歸人將從。私具驢騾。緣道亭郵。唯希蔬粟。
若日留之無煩於執事。遣之有費於官司。或以顛沛
為言。或云資裝可懼。固非通論。皆是外篇。斯所未喻。
三也。又若以吾徒。應還侯景。侯景凶逆。殲我國家。天

下含靈。人懷憤厲。既不獲投身社稷。衛難乘輿。四冢
磔虫。尤千刀刺。王莽安所謂。俛首頓膝。歸奉冠讐。佩
弭腰鞬。為其阜隸。日者通和。方敦曩睦。凶人徂詐。遂
駭狼心。頗疑宋萬之誅。彌懼荀瑩之請。所以奔蹄勁
角。專恣憑陵。凡我行人。徧膺讐憾。政復蒞劬。醢骨抽
舌。採肝於彼。凶情猶當未雪。海內之所知也。君侯之
所具馬。又聞本朝王公。都人士女。風行雨散。東播西
流。京邑丘墟。蕪蓬蕭瑟。偃師還望。咸為草萊。灞陵回
首。俱沾霜露。此又君之所知也。彼以何義。爭免冠讐。

我以何親。爭歸委質。昔鉅平貴將。懸重於陸公叔。向名流深。知於醜箴。吾雖不敏。常慕前修。不圖明庶有懷。翻其以此量物。昔魏氏將亾。羣凶挺爭。諸賢戮力。想得其朋。爲葛榮之黨邪。爲邢果之徒邪。如曰不然。斯所未喻。四也。假使吾徒。還爲凶黨。侯景生於趙代。家自幽恒。居則台司。行爲連率。山川形勢。軍國彛章。不勞請箸。爲籌便當。屈指能笑。景以逋逃。小醜羊豕。同群身寓。江臯家留。河朔春春。井井如鬼如神。其不然乎。抑又君之所知也。且夫宮闈祕事。竝若雲霄。英

俊。訏謨。寧非帷幄。或陽驚以定策。或焚藁而奏書。朝廷之士。猶難參預。羈旅之人。何階耳目。至於禮樂。訟革。刑政。寬猛。則謳歌已遠。萬舞成風。不知手之舞之。足之蹈之也。安在挫其牙齒。爲間諜者哉。若謂復命。西朝。終奔東虜。雖齊梁有隔。尉候奚殊。豈以河曲之難。浮而曰。江關之可。濟河橋馬。度寧非宋典之姦。關路雞鳴。皆曰。田文之客。何其通蔽。乃爾相妨。斯所未喻。五也。又兵交使在。雖著前經。儻同狗僕之尤。追肆寒山之怒。則凡諸元帥。並釋縲囚。爰及偏裨。同無翦

讀此知南
海桃源編
效不及貴
不如賤豈
虛語哉

縱赴冥途
不作詩仙
亦為才鬼

截。乃。至。鍾。儀。見。赦。朋。笑。遵。途。襄。老。蒙。歸。虞。引。路。吾
等。張。壇。拭。玉。修。好。尋。盟。涉。泗。之。與。浮。河。郊。勞。至。於。贈
賄。公。恩。既。被。賓。敬。無。違。今。者。何。憊。翻。蒙。貶。責。若。以。此
為。言。斯。所。未。喻。六。也。若。曰。妖。氛。永。久。喪。亂。悠。然。哀。我
奔。波。存。其。形。魄。固。已。銘。茲。厚。德。戴。此。洪。恩。譬。渤。澥。而
俱。深。方。嵩。華。而。猶。重。但。山。梁。飲。啄。非。有。意。於。籠。樊。江
海。飛。浮。本。無。情。於。鐘。鼓。吾。等。營。覓。已。謝。餘。息。空。留
悲。默。為。生。何。能。支。久。是。則。雖。蒙。養。護。更。天。天。年。若。以
此。為。言。斯。所。未。喻。七。也。若。云。逆。豎。殲。夷。當。聽。反。命。高

軒。繼。路。飛。蓋。相。隨。未。解。其。言。何。能。善。謔。夫。屯。亨。治。亂
豈。有。意。於。前。期。謝。常。侍。今。年。五。十。有。一。吾。今。年。四。十
有。四。介。已。知。命。儻。又。杖。鄉。計。彼。侯。生。肩。隨。而。已。豈。銀
臺。之。要。彼。未。從。師。金。竈。之。方。吾。知。其。訣。政。恐。南。陽。菊
水。竟。不。延。齡。東。海。桑。田。無。由。可。望。若。以。此。為。言。斯。所
未。喻。八。也。足。下。清。襟。勝。託。書。園。文。林。凡。自。洪。荒。終。乎
幽。厲。如。吾。今。日。寧。有。其。人。爰。至。春。秋。微。宜。商。略。夫。宗
姬。殄。墜。霸。道。昏。凶。或。執。政。之。多。門。或。陪。臣。之。涼。德。故
臧。孫。有。禮。翻。囚。與。國。之。賓。鄭。伯。無。憊。空。怒。天。王。之。使

遷箕卿於兩館。繫驥于於三年。斯匪貪亂之風邪。寧當今之高例也。至於雙嶠且帝。四海爭雄。或構趙而侵燕。或連韓而謀魏。身求盟於楚殿。躬奪璧於秦庭。輸寶鼎以託齊王。馳安車而誘梁客。其外膏唇販舌。分路揚鑣。無罪無辜。如兄如弟。逮乎中陽受命。天下同規。巡省諸華。無聞幽辱。及三方之霸也。孫甘言以媞媚。曹屈詐以羈縻。旃軫歲到於句吳。冠蓋年馳於庸蜀。則客嘲殊險。賓戲已深。共盡遊談。誰云猜忤。若使搜求故實。脫有前蹤。恐是叔世之姦謀。而非爲邦

之勝略也。抑又聞之。雲師火帝。澆淳乃異其風。龍躍麟驚。王霸雖殊其道。莫不崇君親。以詔物。敦敬養。以治民。預有邦司。曾無隆替。吾奉違溫清。仍屬亂離。寇虜猖狂。公私播越。蕭軒靡御。王舫誰持。瞻望鄉關。何心天地。自非生憑廩竹。源出空素。行路含情。猶其相愍。常謂擇官而仕。非曰孝家。擇事而趨。非云忠國。况乎欽承有道。驟駕前王。郎吏明經。鳴鳶知禮。巡方省化。咸問高年。東序西膠。皆尊者耆。耆吾以圭璋玉帛。通聘來朝。屬世道之屯期。鍾生民之否運。兼年累載。無

何滋堅石
臨別詩令
作陳情表

申元直之祈銜泣吞聲長對公閭之怒情禮之訴將
同逆鱗忠孝之言皆應齟舌是所不圖也非所仰望
也且天倫之愛何得忘懷妻子之情誰能無累夫以
清河公主之貴餘姚書佐之家莫限高卑皆被驅略
自東南醜虜抄取饑民臺署郎官俱餒墻壁况吾生
離歿別多歷暄寒孀室嬰兒何可言念如得身還鄉
土躬自推求猶冀提攜俱免凶虐夫四聰不達華陽
君所謂亂臣百姓無冤孫叔敖稱爲良相足下高才
重譽叅贊經綸非豹非貍聞詩聞禮而中朝大議曾

遺懷指事
無憚犯顏
惟慚昭晰
曉人正當
如是

未矜論清禁嘉謀安能相及諤諤非周舍容容類胡
廣何其無諍臣哉歲月如流平生何幾晨看旅鴈心
赴江淮昏望牽牛情馳揚越朝干悲而掩泣夜萬緒
而迴腸不自知其爲生不自知其爲歿也足下素挺
詞鋒兼長理窟匡丞相解頤之說樂令君清耳之談
向所諮疑誰能曉喻若鄙言爲謬來旨必通分請灰
釘甘從斧鑊何但規規默默齧舌低頭而已哉若一
理存焉猶希矜眷何必期令我等必歿齊都足趙魏
之黃塵加幽并之片骨遂使東平拱樹長懷向漢之

德者利集 卷四
悲西洛孤墳。恒表思鄉之夢。千祈以屢。哽慟增深。

與王僧辯書

昔者雲師火帝。非無戰陣之風。堯誓湯征。咸用干戈之道。至於搃山蕩海。驅電乘雷。殲厥兇渠。無虧皇極。若夏鍾夷羿。周厄犬戎。漢委珠囊。秦亾寶鏡。然則皆聞之矣。未有膺龍圖以建國。御鳳邸以承家。二后欽明。三靈交泰。而天崩地坼。妖寇橫行者也。自古銅頭鐵額。與暴皇年。檣杵窮奇。流災中國。王彌石勒。吞噬關河。綠林青犢之群。黑山白馬之衆。校彼兵荒。無聞

前史。八王故事。曾未混淆。九州春秋。非去禍亂。我皇受命中興。光宅天下。泰寧瑣瑣。安敢執鞭。建武栖栖。何其扶轂。抑又聞之。陶唐既作。天歸鳥喙之臣。豐畢將興。特挺鷹揚之佐。明公量苞金鉉。神表玉璜。儷袞欽才。平階佇德。固以畱連管樂。惆悵風雲。濡足維時。投竿斯在。去歲兇徒不騁。言次巴丘。鼓聲聞一柱之臺。烽火照三休之殿。公則懸麾羽扇。猶對投壺。戎羯咸奔。鯨鯢俱剪。樓船萬軸。還繫昆明。胡馬千群。皆輸長樂。於是乎夏首西浮。雲行電邁。彭波東匯。谷靜山

賊壕既平
善心極例

空扼鵠尾而據王畿登牛頭而掃天闕漸臺爲帥仍
傳首於帝京郿塢元兇咸剝腸於軍市青羌赤狄同
昇豺狼胡服夷言咸爲京觀公園陵盡拜忠貫長沙
神主咸安勲踰高密重以秦宮旣獲魯殿猶存闕綠
草於應門開青槐於武庫長安五陵之族鄂杜六遷
之民襍負而歸都壘斯滿鬻脂藏脯遊騎擊鐘故市
新城飛甍華屋東筦舊宅人識桑榆南頓荒田家分
禾黍豈以鄉名穀熟邑號禾興而已哉若夫卦起龍
文書因鳥跡劬勞王室大拯生民自開闢以來未之

有也雖十六才子明允篤誠八百諸侯專心同德中
宗佐命俱畫丹青光武功臣皆懸星象棧道木閣田
單之奉霸齊縮壘將兵周勃之扶強漢壤蟲之比黃
鵠轍鮒之仰河宗未足云也孤子階緣多幸叨遙皇
華鄉國屯危公私焦迫邳彤之切長亂心胸徐庶之
祈終無開允旣而屏居空館多歷歲時釁犯幽祗躬
當勦滅何圖釁咎災極蒼旻號暮煩冤肝腸屠殞酷
痛柰何無狀奈何惟素與梓翻若天涯杖栢栽松悠
然長絕明明日月號咷無聞茫茫宇宙容身何所窮

李賀鬼語
丙上寒生

香色淨動
儼似丘遲

劇奈何。自忝膺嘉聘。仍屬亂離。上下年尊。偏嬰此酷。昔人迎門請盜。恒懷廢寢之憂。當輓輿親。猶有危途之懼。况乎逆寇崩騰。京師播越。興居動止。長隔山河。溫清餽餽。誰經心眼。程糜不繼。原粟何資。瞻望風雲。朝夕嗚咽。固乃遊魂已謝。非復全生。餘息空留。非爲全死。同冰魚之不絕。似蟄燕之猶蘇。良可哀也。良可哀也。自東都紹漢。南亳興殷。修好徵兵。彌留星館。韓宣范武。方駕連鑣。蘇秦張儀。朱輪華轂。而孤子三危。是擯四罪。同科聽別。馬而長號。杖歸於而永慟。王稽

反命。旣無託乘之恩。椒舉相逢。誰爲班荆之位。昔人違齊處魯。時降徵求。亡晉奔秦。猶蒙招請。問管寧於遼左。追王朗於浙東。竝物譽時賢。卿門公族。懸須應務。深挾情祈。斯豈庸賤之儔耶。非餘生之敢望也。但預在輜軒。誠爲過誤。珪璋特達。通聘河陽。貂珥雍容。尋盟漳水。差有黃門啓封。非無青紙詔書。郡將州司。郊迎負弩。鄉亭里候。飾館陳兵。豈是復介而奔齊。寧當竊妻而逃晉。已焉哉。羌難得而言也。漢之谷吉。捐軀者幾人。楚之申胥。埋魂者何極。孤子何所歎焉。但

仲宿丘明
可謂左聖

頓伏苦廬。徒延光晷。夫以啁噍鷲雀。躑躅鳴號。含識
懷情。未有其痛。且夫曾耕雨雪。猶尚悲歌。蘇使幽囚。
無馳哽噎。公履忠弘孝。冠冕縉紳。化感煙雲。量標海
岳。行糜仲月。王政無塞。分穀高年。仁風斯遠。固以衣
纓仰訓。黎庶投懷。今日憔悴。彌布洪澤。雖復孤骸不
返。方爲漠北之塵。營魄知歸。終結江南之草。

徐孝穆集卷四終

徐孝穆集卷五

陳郟徐陵著

明東海屠隆評

書

與顧記室書

吾伏事天朝，本非舊隸，殿下殊恩，遠垂薦拔，故常戰慄，甘心痛謹，庶其愚老，無負明據，近者既居臺轄，唯務奉公，去年正月十五日，尚書官大朝，元凱既集，丞郎肅然，忽有陳慶之見陳暄者，帽簪釘額，條布裹頭，虜袍通踝，胡靴至膝，直來郎座，遍相排抱，或坐

或立且歌且詠。吾卽呼舍吏責列，不答而走，反爲憾。恚妄相陷辱，至六月初，遂作盲書，便見誣謗。聖朝明鑒，悉知虛罔。唯云吾取徐樞爲臺郎，南司檢問，了不窮推。承訓劾爲信言，致成隳免。此事冤枉，天下所無。吾市徐樞宅，爲錢四萬，任人市估，文券歷然，不蒙申理。見枉虛巧，二者樞是故少府卿鱗之子，鱗殞身侯景之役，又爲西臺所贈，兗州左衛官位甚高，未知其子何忝郎署。魏晉之前，如爲又遠。宋齊以降，其例甚多。如徐愛阮佃夫之子，可不得郎官耶？紀文卿公向

璉皆爲列棘，豈冗雜曹郎乎？三者樞入身梁朝，解褐岳陽王小府墨曹，承聖時爲故敬常晉安王諷席，文墨具存，陝西官爵，乃多浮濫。更補臺郎，不爲勝擢。未知何惡推宅貨官，四者徐領軍節度，自啓樞爲郎，勅付選序，吾既不啓據，又不爲選職，所可相關，止是得中侯相聞爲呈啓而已，以此見罪，一何冤濫。吾昔在承華，是第所悉，行年六十，無復儕儔，非意餘生，忽此誣謗。堯有驚於讒說，孔將惑於拾塵。雖復聖主機明，不能委照，殿下德高兩憲，風美二南，億兆歸心，衣冠

有託。久願通啓。披訴聖明。伏見軍戎多務。所以不敢
祈冒。弟與吾遊。眷亟廻星紀。故人如此。寧不矜歎耶。
侍言有便。云何且爲啓聞。一蒙神鑒。照其枉直。方殖
幽泉。無恨灰壤。伏覲謁帝。承明緒言多次。服矜遺老。
曲賜湔濯。則殿下前時妄澤。匪復偏私。遂吳良延薦
之恩。無王丹所舉之謬。吾得方辭武騎。永附梁賓。雖
愧家丞。庶呈秋實。緣弟深眷。故此敬憑。于謁非宜。益
懷悚慨。徐陵白。

梁貞陽侯與王太尉僧辯書

淵明頓首頓首。昔自天狼炳耀。非無戰陣之風。參虎
揚芒。便有于戈之務。至於夏鍾夷羿。周厄犬戎。漢委
珠囊。秦亾寶篋。彰於史籍。可得而聞。未有國家殲危。
遂若當今者也。我大梁膺龍圖而受命。御鳳邸以承
天。軒頊比於諸王。湯武方於兒戲。三光有乂。四海無
波。靈貺咸臻。表裏禔福。非日非月。蒼生仰其照臨。如
雲如雨。天下蒙其恩蔭。而屯亨有數。剝極爲災。梟獍
豺狼。肆逞兇逆。後主誕資上聖。光啓中興。大剪僞讐。
方平宗社。雖復瀟湘舉斧。庸蜀彎弓。凡厥兇徒。誰不

極言方智
之非據纒
自己可占
地步

殲撲豈圖天未悔禍喪亂薦臻羌虜無厭乘此多難
虔劉我南國蕩覆我西京奉問驚號肝膽崩潰雖復
金行版蕩火政淪亾綠林青犢之羣黑山白馬之卒
八王故事曾未混淆九州春秋誰云禍亂昔隆周從
播皆憑晉鄭之功強漢阡危終假虛牟之力今者武
皇之子無復一人貌是孤孫還同三叛等子頽而為
暴同劉芳而入關乞命諸戎勢何支久孤宗室之長
爰自布衣皇運之初彌承天德何則據鞍輟哭雖紹
霸圖獨居掩涕終討家怨孤二三昆季方可戴天被

此恩慈如何酌答所以徐彭之役不希輕軀哀荷之
誠久聞朝聽况復邦家不造至此橫流宗社無依何
所逃責因以提戈負劔臥泣行號言念荆巫志雪讎
恥大齊觀書有洛輯瑞榮河功格蒼旻德滿天地慈
孝之道通於百靈仁信之風覃於萬國是以日月所
照舟車所通候海水以來賓瞻蒼雲以奉貢昔自軒
農炎昊曾無宣國之規虞夏商周非有伐戎之略豈
知華夷仰德遠近同心穀價無堯湯之憂糧儲同水
火之賤精兵利器勢勇雷霆天馬龍媒量比山谷斯

固開闢已來未之有也。至於親隣之道。夙契逾深。無
改曩懷。尊感彌篤。以爲興亡繼絕。事昞前經。推擇庸
虛。命守宗祀。方欲仰憑神武。清我寇讎。旨喻難違。諸
懷更慝。明公誕膺時運。光贊本朝。勒瑞姜璜。書名何
鼎。故以通期管樂。宜契風雲。戮不世之渠兇。殲滔天
之巨寇。重以三湘放命。七國連從。征旅東西。必翦妖
逆。雖復棧道木閣。田單之奉舊齊。綰壘將兵。周勃之
扶隆漢。中宗佐命。俱畫丹青。光武功。臣皆懸星象。非
貔非虎之封。同心同德之勞。校彼功庸。曾何髣髴。但

與在與亡。期於體國。喪君有君。寧容無主。夙承所立。
猶則孱蒙天步。方難寧可。弘濟自淹。留大國志。荷恩
私。朝夕宮闈。預奉顏色。黃河白日。亟亶誠言。分災卹
患。事非虛旨。但善相小國。終資大賢。定我邦家。繫公
是賴。淮流不竭。豈獨琅琊。望能喻此。衷懷思之。無忽。
近陸君士有啓。陳其禍亂。朝旨卽命河東王岳等。勒
率熊羆。便相抵赴。道阻且長。雖無之及。所聞西浮夏
首。便當險隘之衝。南捍巴陵。方拒窺窬之寇。上黨王
皇齊寵弟。是號宗英。親御戎軒。遠于將送。裴侍中英

起淮南貴族兼事戎行躍冀馬者千羣披燕犀者萬
隊來自河陽曾不旬日持節徐武潼三州諸軍事散
騎常侍明遠將軍東徐州刺史始興縣開國侯湛海
珍等竝前朝舊將夙著勲庸推轂海邊屬是喪亂雖
復拔身有道志雪朝怨咸預戎行共指鄉國江淮舊
隸悉已招攜方稟英謨共翦讎難去月將晦便屆壽
春已具舟師將臨江浦使人入境行陳所懷揆日規
光遲枉還牘當使宗祊有主余同小白之勲家國無
虞公保阿衡之貴何其美也豈不休哉言念此私但

求得一篇
居函

以號咽蕭淵明頓首

為王太尉僧辯答貞陽侯書

按齊送貞
陽侯蕭淵
明為梁嗣
遣陵隨還
僧辨不納
淵明往復
致書皆陵
詞今僧辨
答書恐非
陵作後同

孤子僧辯頓首頓首席威卿反命具有奉答馬嵩仁
至又奉去月二十八日誨增用傾悚秦為不道西都
失守率土臣妾莫不驚惶喪君有君實惟典禮繼世
嗣曆明於通誥所以百辟羣司四方岳牧共立大計
僉議所歸故紹晉安殿下用傳寶祚樹立之宜無由
遠謀鄰國足下宗枝蕃戚德譽早隆既身限北庭事
隔匡贊今者借助齊主楊旆南轅但嗣守洪基即既

既不說壞
舊君又不
逆其來意

暗裏藏圖
詞命上品

勸其遲疑
便是不止
之止

其主若阿衡帝載誠所推揖弘佐中興誰曰不可所
望齊朝永存信誓謹當命北舟人奉迎麾駕無容進
枉齊兵遠於江表仰冀弼諧時政用極奮庸但江東
之地數千餘里民附國險水陸衿帶若舊京從命楊
徐承旨又恐西南之地二十餘州不卽威懷容爲齊
國之患而糧裹之宜更運動靜祇展之日冀在一二
謹因馬嵩仁并遣真威將軍通直郎散騎常侍馬瑱
口宣諮述孤子王僧辯頓首頓首

梁貞陽侯答王太尉書

姜常侍曷至復枉去月三十日告具公所懷良以慨
息孤雖庸薄不及通賢猶曰生民寧無心識自皇家
禍亂亟積寒暄九州萬國之人蟠水流沙之地莫不
行號卧泣想望休平何況於孤預在宗室家荷報雪
之恩身蒙鞠養之愛者先皇之慈也丞嘗不絕於私
廟子弟得嗣於南藩者後主之惠也朱方之地建業
之都誰家丘陵誰家宮廟豈有爲人臣子荷此恩靈
親執干戈自殉家國公之忠孝信感人神公之盟誓
事同懸象雖復宗盟不造骨肉爲讎安可相期盡如

二十餘州
之衆猶腹
背之義破
得明晰

蕭啓耶古者天子六軍是爲萬乘今日凶荒致闕斯
禮偏裨將校尚握精兵州郡官曹各有交吏未有居
稱宸座行日乘輿遂無五尺之童高謝千人之長於
公明允意復云何國家彫荒旣乏屯衛皇齊與睦幸
惠優矜何乃自起超超苟違隣德克勘禍亂欲立功
名咸自軍師豈在芻隸湛海珍等前朝舊將差匪齊
人分給羸兵卽是梁甲非云背信豈曰渝盟朝野群
雄何所携貳且公天資命世再造皇家梁代之桓文
蕭宗之伊管誰其遠近不稟英謨如有姦回正速齊
斧尚何憂於共工何畏於有苗哉所覽來書旣爲疑
難上黨王恭承朝旨不敢相同方篤隣和不容全異
如須減損更遲行人張廷尉種等所具此無多及蕭
淵明頓首

答諸求官人書

自古有吏部尚書者品藻人倫簡其才能尋其門曹
逐其少多量其官爵但古來數千年非無明時也非
無明主也自有才用雖美階級不通門戶雖高官資
殊屈若斯人者其例甚多請問諸君此是何義夫一

滑稽妙甚

千錢一斛米之多少。猶關相祿。况復皇朝官爵理係
玄天。內典謂之爲業。外書稱之爲命。五行有驛馬之
言。六甲有官鬼之說。必令驛馬時發。官鬼尅身。所望
借榮。便當果遂。如其不爾。決是難諧。豈可改尚書作
官鬼。驅老僕爲驛馬耶。若見問尚書。何不分判用與
不用。許與不許。僕答云。君非屈滯。豈可相期。決言應
果。若今驛馬差爽。便是乖信。此關君命。僕何以相答
耶。若朝散之流行。止之屬門戶。相似人才不殊。選家
斟酌無能爲爾。若陟大位清官。悉由玄命。夫人君賓
用。並是前緣。故宋文帝云。人豈無運命。每有好官缺
輒憶羊玄保。梁武帝云。世間人言有目色。我特不目
色。范曄自此而論。豈非前業。且世諺云。圖官在亂世。
覓富在荒年。梁孝元帝承侯景之凶荒。王太尉接荆
州之禍敗。爾時喪亂。無復典章。故使官方窮。此紛雜
自紹泰太平。及永定中。聖朝草創。爾時州州自帝。郡
郡稱王。天下干戈。尚無條序。兼以府庫空虛。賞賜懸
之。白銀之寶。難得黃紙之板。易營假以官榮。代於錢
絹。義在撫綏。無計多少。又有非舊非勲。非地非才。託

鸞歌鳳吹
響動祥雲

唐天后中
補闕詩何
如此道勁
然亦自此
化出

誰踰分者
乃言太屈
千古一轍

節將而求官。因時人以買位。賣官既賤。皆爲清顯。故
員外常侍路上比肩。諮議參軍市中無數。四軍五校
車載斗量。豈是朝章應其如此。今衣冠禮樂日富。年
華主上體成王之風。太傅弘周公之德。西戎北狄畏
我王威。時旣清矣。時旣平矣。何可猶作亂世意。而覓
非分之官耶。凡人所以稱屈滯者。身已不無寸能。官
又不及父祖。旣是明時。可以於邑。所見諸君多踰本
分。猶言太屈。未喻高懷。右問梁朝朱領軍等。竝爲卿
相。此不踰其本分耶。此天子所用。非關選序舊章。秦
有車府令趙高。直爲丞相。漢有高廟令田千秋。亦爲
丞相。此復可爲例耶。僕七十之歲。朝思夕計。竝願與
諸賢爲真善知識。曾無嫌隙。差可周旋。非欲令君作
此怨訴。但忝衡流。應須粉墨。庶其允當。無負朝寄耳。
去年疾患。亦餘氣息。不能相答。通作此書。所望諸賢
深明鄙意。徐君白。

代梁貞陽侯與荀昂兄弟書

張佛奴至。未枉還告。但以勞悒。夫興亡繼絕。往帝之
通規。分災卹患。聖王之恒典。自敦龐旣散。詐僞萌生。

時託親隣信有澆慝大齊道寇三皇風高九代仁信之本關於至誠言與之恩由於孝德孤謬蒙殊獎還嗣本朝勅諭分明言誓殊重若使邦家克定境內無虞凡廣陵歷陽皆許見還白水黃河屢奉然諾彝章禮數莫不優華斯乃不世之殊恩寧是悠常之恒事王太尉勲踰呂望德冠伊衡凡厥英謀筭靡遺策豈容當滔天之巨寇違大國之隆恩計彼賢明必當不爾卿維兄及弟莫非雄才江外風塵不染兇寇賈氏三虎豈獨貴於前修荀家八龍信服在於今日近者

州司不道或致流言朝聽矜明已如前及想謀元宰善保良圖南道主人以相付也見所答東海徐湛書粗且來意昔桓憑苜衆文用秦政是假隣國之威以備非常之變若使江東宰匠具領齊恩時命封疆遠相迎接故常攜諸舊隸率我賓遊朝服簪纓直拜園寢梁人望國自合水而浮舟齊師言歸指滄江而迴旆如其彼相未悟良機將恐戎麾遂踐京邑若其求成取敗豈謂和風龍馬雲旗差不相涉一二復令張佛奴口具相見在近此不多及蕭淵明疏

激激回船
尤彩生動

答周主論和親書

使人使持節車騎大將軍儀同三司大都督治司城使主杜子暉忠軍山遂伯使副鮑宏等至省告具懷夫聖君明辟司御兆民則天象地佇育黔首故張旆以往拭玉而來同在蒼生恢宏文武雖毀戈鑄戟未擬上皇散馬休牛載懷偃伯非期與睦忽爽和風奚用殲師信由天討追尋曩好歎想兼懷言覲今書甫承家難知以冢卿執政擅同淵藪令尹當朝妄專征伐無君之謫俾墜其師無將之誅已從司寇刑名旣

理麗典則
官樣文音

肅國步還康希篤親隣敬開衷欵若二境交歡俱饗多福八荒期乂良副所懷今遣具位某甲等使不復多述陳某頓首

徐孝穆集卷六

陳郟徐陵著

明東海屠隆評

書

梁貞陽侯重與王太尉書

淵明頓首頓首。席威卿等還。在此月十四日告。披覽未周。良深慨息。昔長平建策。猶聞蝕鼎之徵。疎勒效忠。時致飛泉之感。豈在余涼德。書不盡言。遂使吾賢猶迷所執。斯故銜哀掩淚。仍復披陳者也。孤以庸薄。寧有霸圖。侯服于周。常懼盈滿。豈望身居黃屋。手御

選大國之
寵靈以言
文自處

青綸揖讓而對三靈。端委而朝百辟。詢諸圉牧。莫不
皆知。援誓神明。固自無爽。但大齊仁聖之道。關於至
誠。睦隣之懷。由於孝德。遂蒙殊獎。歸嗣本朝。拜首陳
辭。敦誘彌廣。既而仇讐未殄。方憑大國之威。宗祏阽
危。尤仰親仁之德。僊俛恩寄。號覲惟深。而勅諭分明。
信誓殊重。乃云。邦家有乂。社稷無虞。凡廣陵歷陽。皆
許見還。白水黃河。屢奉然諾。至於夏藩衝要。控遏上
流。且命強兵。爲我臨據。若其自有精甲。能捍醜徒。並
用還梁。皆如前旨。以孤頻經。黍竊屢守。淮肥門生。故

驚嚴單目
氣象偉雄

吏。遍於江右。凡諸部曲。並使招携。投赴戎行。前後雲
集。霜戈雪戟。無非武庫之兵。龍甲犀渠。皆是雲臺之
仗。文物以紀之。聲名以發之。斯實不世之隆恩。寧曰
循常之恒禮。明公固天所授。弘濟本朝。曲阜同功。營
丘等烈。若夫伊尹庖厨賤宰。霍光階闥小臣。諸葛亮
無應變之才。管夷吾非王者之相。論其世業。較彼勤
勞。書契已來。罕有明德。且程嬰之義。自古爲難。荀息
之忠。良以喜慰。但先朝秉玉鏡之符。御金輪之寶。菩
薩之化。行於十方。仁壽之功。沾於萬國。兇人侯景。遂

大禹鴻
經中
則于卷書

殄邦家。何況於今。亦有吳會。江東如掌。差匪虛言。淮
陽在面。方此非局。不稼不穡。多歷歲時。大東小東。全
無機杼。關中醜虜。寧非冒頓之鋒。齊國強兵。便是軒
轅之陣。西南當扼喉之勢。東北承撫背之機。首尾交
侵。華夷俱騁。而冲人數歲。復子方賒。德未感於黎蒸。
威不加於將帥。斯等怏怏。非少主臣。安有碌碌。因人
成事。公之才具。雖復明允。勢何如於天監。時何若於
大同。棄與國之隆恩。當滔天之猛寇。匡救之德。翻未
有從。忠許之謀。誰其相曉。臥薪待火。方此弗危。繫草

從風儔之。非切若能。思其上策。審此英圖。見引軫獵
之車。還向長安之邸。一則二則。惟在大賢外相。內相
終當相屈。正當携諸舊隸。率我賓遊。朝服簪纓。直拜
園寢。梁人望國。俱登赤馬之舟。齊師臨江。仍轉蒼鷹
之旆。分袖南浦。揚鞭北風。民不疲勞。軍無怨讟。如其
執事。尚秉前言。將恐戎麾。便濟江表。何則。西浮夏首。
已據咽喉。東進彭波。次指心腹。廣陵京口。烽烟相望。
魯柝聞邾。方之尚遠。胡桑對薊。比此為遙。水陸爭前。
龍虎交至。則揚都蕩定。功自齊師。江左臣民。非關梁

方智雖幼
承梁正統
淵明雖長
特公子雅
之流耳詞
屬強辨而
華藻動人

破貞陽年
幼之說詞
極瑋燁

國。豈。不。追。慙。後。主。崇。寄。之。恩。還。負。齊。朝。親。隣。之。意。東。門。黃。犬。固。以。長。悲。南。陽。白。衣。何。可。復。得。立。茲。幼。弱。非。曰。大。勲。滅。我。宗。祊。何。所。逃。疊。今。復。遣。前。吉。州。刺。史。馬。嵩。仁。至。彼。更。具。往。懷。想。不。遠。而。復。無。貽。抵。悔。也。若。英。謨。有。在。方。興。祀。夏。之。功。明。監。如。違。便。等。過。殷。之。嘆。存。亾。社。稷。一。在。於。公。臨。紙。崩。號。不。復。多。及。蕭。淵。明。頓。首。頓。首。

王太尉僧辯荅貞陽侯書

僧辯頓首頓首白。席威卿至。奉今月五日誨披函伸

紙號恥交哀。天未悔禍。地維重絕。九縣沸騰。四海悲憤。嗣主欽明。濟哲齊聖。廣淵體自宸極。受命文祖。主梁祀者。非此而誰。且年倍漢昭。具明上官之詐。德踰姬誦。彌昭周旦之誠。今海內衣冠。中朝卿士。或南陽舊隸。官成天監之初。代邸故臣。榮光承聖之始。莫不人竭其力。爭求効命。輸心嗣主。以報先帝之恩。今荆陝淪覆。止是江北數縣。卽東南藩翰。萬里而遙。王甲治兵。鱸舫相接。長波天限。方漢城池。修德綏民。中興可待。孤子本以庸懦。加復窮喘。且平生素蓄。志不在

引義嚴正
是令貞陽
心折

轟雷驚電
未足擬其
雄壯

位世蒙朝寵，身實許國。武皇擢之千里，先主申其三
顧。因此踰濫，遂居端右。屬天步艱難，寄深憂積。方欲
詢于髦傑，採之輿阜。同康時務，共贊皇猷。一彼車書，
刷茲讐恥。然後守其侯服，歸老赤松。至如今日，使須
白事。披奉來誨，承彼送還。今璇枝令戚，播越秦虜。明
公儻能入朝，同獎王室。伊呂之任，僉曰仰歸。寧不副
茲仄席，濟扶匡救。若斯言不渝，更聽後旨。便遣鷁舟，
弘舸奉迎。麾旆但闕來朝，意在至盟。今江東所奉，彼
屬披圖。未蒙朝意，鄭拒子忽。左史是之，漢背劉襄。班
書稱允，况屬疎於階彌，不敢奉命。謀期通識，賜亮此
誠。孤子王僧辯頓首頓首。

梁貞陽侯與陳司空書

淵明頓首頓首，軒轅既作，遇蚩尤之兵。顛項為君，阻
共工之亂。雖復搖山蕩谷，驅電乘雷。殘厥兇渠，曾靡
遺孽。未有時當至治，世在欽明。元惡滔天，遂陷邦家。
者也。我大梁開金繩之寶牒，紐玉鏡之珍符。功烈與
造化相伴，德施與風雲俱遠。戴日戴斗，何向不賓。太
平之基，無思無屆。逆賊侯景，殲亂本朝。釁重聰彌，凶

書本王子
朝化出但
彼典而實
此豔而誇

逾羿浞。後主天經地緯。義冠人靈。驅馭熊羆。遂剪勅
盜。少康祀夏。何可對揚。大戊興殷。彌無等級。不圖天
未悔禍。喪亂荐臻。羌賊憑陵。侵蕩荆漢。乘輿幽辱。旣
陷兇徒。黎獻崩騰。莫不淪沒。故以哀窮兆庶。痛極蒼
旻者也。夫諸侯釋位。寧非亂禍之朝。宗子維城。本濟
殷憂之日。武皇遺胄。皆陷虜庭。乞命偷生。何能支久。
孤宗室之長。爰自布衣。辛癸之朝。容身靡託。追惟先
業。大庇生民。旣雪伯叔之怨。仍紹桓王之霸。孤二三
昆季。情禮獲申。等預蕃枝。偏承皇德。近歲彭都之役。
得備戎行。鞍甲之勞。庶酬天寵。况復邦家不造。至此
橫流。凶狡猶存。何所逃責。固以提戈負劍。臥泣行號。
言念荆巫。志雪讐恥。大齊德竝天地。明符日月。隆禮
詔俗。張樂被民。義感華夷。仁侔造化。玉牟銀甕。嘉瑞
必彰。澤馬山車。禎符總集。若夫中朝猛士。本自無窮。
沙塞精兵。斯何有量。是以家國之富。文景所未儔。兵
馬之強。秦漢所未敵。但親隣之道。旣篤夙私。明發之
懷。彌敦先好。以爲興亾繼絕。聖典通規。爰命無庸。嗣
守社稷。旣方憑大國。庶討仇讐。恩喻難違。諸懷慙哽。

星子呈祥
金陵表慶
文亦雅稱

公體茲懋德。毗奉中興。歸自番禺。志在討亂。至於雲
行。電邁。谷靜。山空。扼鵠尾而定。王畿登牛頭而掃。天
闕漸臺。僞帥將傳首於帝京。郿塢元兇。皆橫屍於軍
市。高庸茂烈。振古希儔。承此欣然。深所嘉歎。今者殷
憂未已。禍難相尋。宗社無依。輿主宜立。夙承所眷。尚
在冲年。王室猶難。何以康濟。董侯幼弱。終覆漢朝。馬
業童蒙。仍傾晉室。所謂前事之不忘。後事之龜兆也。
孤過荷恩靈。預奉帷幄。黃河白日。亟降誠言。分災卹
患。事非虛旨。但當小國之禮。無失敬恭。闔境人民。俱

勞寤寐。方窮人爵之重。以報非常之功。惠覽今書。希
能留意也。上黨王文高。劉德武冠。曹彰爰降。宗英遠
于將送。裴侍中英起。贊奉師德。俱事戎間。月壘連營。
雲旗蔽野。同集江淮。翼我歸旆。湛海珍等。並前朝舊
將。夙著勲庸。江左氛妖。投身齊國。今者皆蒙恩獎。並
在戎行。歸附明公。共剪讐難。去月將晦。便屆壽春。已
具舟艦。將臨巢浦。若公爲內主。方同國子之勲。余以
定家得免。臧孫之嘆。豈不功名富貴。共保無疆。前望
鄉關。唯增號哭。蕭淵明頓首頓首。

詞比事
無弗切宿

代陳司空荅書

某頓首頓首。使人孔文端至。奉此月四日誨。兼翰累牘。俯加循覽。以悲以慰。先皇聖德在躬。體道康哲。允恭克讓。就日望雲。玄雀銜書。皇天眷命。光宅區宇。司牧黎元。澤與風行。恩隨雨散。朔南暨教。要荒貢篚。而運鍾百六。時屬陵夷。賊臣侯景。內曩中國。掘剪公室。鞭撻寓縣。三光掩曜。四海分崩。嗣后大孝發衷。志清國豐。載齊車以誓衆。墨衰裳而鞠旅。遙授兵略。沿流電邁。不崇朝而戮封豕。纔信宿而剪奔鯨。雖天未絕

梁。伊帝之力。方欲克復梁雍。吞滅嶠函。卽都渚宮。將議進取。而穹昊不惠。頻降愍凶。秦氏虎狼。肆其虐暴。主上幽辱。鑿輿播遷。悲結萬姓。痛深九服。社稷須主。天下難曠。晉安殿下。地惟密戚。親實愛子。弱表徇齊。幼而岐嶷。群公卿士。岳牧藩鎮。莫不頓首屈膝。請嗣宗祧。王太尉秉德居宗。實爲元輔。僕以不敏。預叅末將。今朝野寧晏。方鎮協和。戮力華夷。同獎王室。庶竭股肱。蕩刷讐疊。殿下夙標令譽。早播明德。親則章典。地惟蔣邢。昔因多故。託身大國。今蒙發勅。已次壽春。

載披來旨實深傾注但帝子承制非爲乏主冢宰匡
翊寧侯長君雖則未學頗聞前載成王踐祚曾未壯
年昭帝君臨實惟童孺若以家國多故思濟艱難仰
惟尊戚莫不屬望分陝之寄側聽高旨如使不繼親
地便議崇極上相居中自當奉報昔仲子舍孫檀弓
有作趙求外主穆嬴以啼前事不忘可爲故實蕃維
末鎮敢用多陳遠降誨函唯深哽佩陳某頓首頓首

梁貞陽侯重與裴之橫書

張佛奴昨還得去月二十九日書覽以增慨昔桓公

一字移易

不動

始反管仲親射其車重耳初還呂卻終焚其室頃家
國多患頻遘閔凶前事不忘便爲龜兆所以皇齊大
德禮秩蕪常威武紛紜洪恩汪濊况復旌旗照日鼓
吹從風文物俱華羽衛相鬱書契已來斯未有也卿
天監之始門官有成承聖之初身名俱泰正應勤王
効命訓二后之恩憂國如家報三靈之寵何有方規
異志苟樹童蒙阻地險於長川忘天討之應及孤昔
忝蕃維非無遊士平原之館乃乏如錐田文之家差
有彈鋏雖復李廣麾下莫不封侯衛青故人多懷彼

此豈可文辭簡畧禮等平交披封伸紙益多歎異相
鼠無儀表詩人之作茅鷗刺傲彰魯史之文宿昔相
期不應如此衆軍卽便頓江關相見在近不復多及
蕭淵明頓首頓首

裴之橫荅書

之橫白足下定國等至枉雅誨具高氏致送之旨卽
彼行人遠到京城大慰應有成命但江山夔阻未奉
朝廷報辭第下國之麟趾先朝所寄籍彼隣好義深
主祀自宜單車入境端委還朝而朱旆啓行戎旌望
國江東士子未達高懷僕早預簪裾夙叨眷與茲矢
旣睽江淮成阻青黎裁封雖斷西鳥之辭白雪在天
豈無北風之歎但變故紛紛忠貞宜顯寒松負雪誠
愧節者之徒勁草疾風寧忘烈士之槩齊師若反旆
淮路退舍肥水彼之敬送止縉紳之徒此之奉迎則
軒蓋而已伏聽朝旨遲申展敬之橫白

貞陽侯答王太尉書

周尚書弘正張廷尉種姜常侍嵩等至枉此月二十
六日告并遣賢弟子世珍賢子顒等具忠款之至公

養孤之恩。愛甚鄧侯。少子之懷。情深張禹。豈非憂勞社稷。用忍飢膚。天下含靈。誰無悲愧。余遭家不造。敬累吳賢。言念忠誠。益以號咽。但皇齊大德。過見憂矜。微借輕兵。以垂將送。意謂江東凋弊。累積寒暄。供膳資儲。理當多闕。輒白上黨王。止請三千人。二百疋而已。凱衆人殊。尚有疑難。將恐諸士。未喻雅懷。今復命周尚書。及姜常侍。還彼具陳。一二夫以受爲寇。非有晉邦不送。爲譏終無。楚國五千步卒。旣謝李陵。三千羸兵。亦等無忌。公之明義。理不爲嫌。行人失辭。尚停

貫穿往古
雲驟風馳

然諾。臨江總轡。企望音郵。唯遲來書。此不多具。蕭某白。

爲陳高祖與周宰相書

昔有天地。便立帝王。革昊唯農。遷虞斯夏。莫不三靈所佑。五運相推。梁德不造。固天攸棄。雖復東漢之末。區宇沸騰。西晉之亾。生民蕩覆。未足以方其禍亂。譬彼虔劉者也。吾謬以庸薄。屬當興運。自昔登庸。清諸百越。徐聞浪泊。靡不征行。銀洞珠宮。所在清乂。自還麾南極。伐逆東都。宣力驅馳。亟淹寒暑。六延梁社。十

剪強寇。黃帝與蚩尤七十戰。魏祖在軍中三十年。方
厥劬勞。未若勤苦。加以百神所感。明靈應期。萬里徂
征。虬龍表瑞。於是中軍勇銳。上將橫行。承此休符。遂
興王業。梁氏以天祿斯改。期運永終。欽若唐風。推其
鼎命。吾驚惶三讓。拜手陳辭。盈庭公卿。稽顙敦偪。眷
言潁水。徒抱素心。尚想汾陽。無因高蹈。猥以庸薄。遂
膺天寵。去月乙亥。昇禮太壇。言念遷徊。但有慚愧。昔
賓門之始。境外無交。雖遣行人。未申嘉好。今上天有
命。光膺寶曆。永興周室。方同斷金。我運惟新。宜修朝

聘。今遣侍中都官尚書周弘正。銜使長安。故指有白。
陳某白。

武皇帝作相時與北齊廣陵城主書

籍甚英風。常懷眷屬。封疆有限。寤寐增勞。辱此月九
日告。深慰情佇。方秋尚熱。體中何如。戎帳艱辛。無乃
爲弊。吾以庸薄。謬膺台鉉。旣荷先帝拔擢之恩。兼蒙
今主責成之寄。政以皇齊大德。世紹和風。方藉威靈。
庶平讐恥。提携小國。願預藩臣。還詔哀矜。許垂容納。
奉勅須質。便遣入朝。部下諸將。哀告誠節。一見一弟。

敘事盡情
翰言中理
隨激兩化
文質互宣
國僑有詞
似難專美
於前矣

無所遺恡。立志立義。無負上天。但故丞相諸子及湛海珍等。並依勅旨。馳遣渡江。主上又遣吏部尚書王通。鴻臚卿謝岐等。至和州。與司馬行臺。共爲盟誓。而蕭軌等。決信叛。苟相陵易。鬱從東道。馳至北郊。旣逼宮闈。無容靜默。兩兩相對。俱有損傷。彼聞人馬。因此奔散。且置兵之地。溝澗且多。退兵之時。投赴相積。近遣張都來此。具是行人所見。但廣陵建業。纔隔一江。戰場去岸。不盈五里。軍人退散。理反鄉家。緣岸村人。復有舟楫。且蘆簾荻筏。竟浦浮江。千百爲羣。前後。

相繼。吾又勒兵案甲。不聽討捕。若無恐懼。並應安達。假使在此。不可更生。至彼而殂。差非吾過。如其枉理。必是興軍。見伐於有道之人。加兵於無罪之國。若彼王師如此。又是違盟。后土皇天。山川社稷。察其怨語。寧容相祐。辱告承上黨殿下。及匹屢領軍。應來江右。師出無名。此是和義。小之事大。差無違禮。彼之陵我。自是乖言。玄天所伐。匹馬無違。翻見怨尤。一何非理。若彼鬼神有知。寧可斯背。鬼神無知。何用盟歎。去歲抑達磨等。石頭天井。連月亢陽。三子纔降。連冬大雪。

是至理

黃袍盡沒。白帳皆浮。旣因以之泥塗。兼加之以疾疫。蕭裴旣還。雲霧便除。從爾以來。稍成災旱。定知衣冠之國。禮樂相承。天道不言。不容都滅。長江渺渺。巨浪湯湯。如鬪艦舟師。詎有深利。近梁山之戰。卽是前車。蕪湖之役。可爲明鏡。昔晉侯不能乘鄭馬。趙將不能用楚兵。一非水土難爲騁力。楊州旱濕。厥土塗泥。如遇秋霖。杳同江漢。假令蚩尤重出。白起還生。控代馬而陵波。躡胡靴而湔水。終難逞効。詎有成功。六州勇士。雖有百萬。十姓豪傑。徒勞千億。不能爲患。斷可知矣。

是實事

筆墨吐氣

矣。昔我平世。天下乂安。人不識於干戈。時無聞於桴鼓。故得兇人侯景。濟我橫江。天步中危。實由忘戰。自亂離已久。人解用兵。女子無愧於韓彭。童兒不殊於衛霍。吳鈞甚利。蜀甲殊輕。槩動風霜。弩穿金石。高樓大艦。槃日陵雲。叱咤而起。風雷吹噓。如倒山嶽。侯車騎國家重將。分陝上流。近隔以邊塵。時虧表疏。王途旣泰。貢賦相望。尋令子弟。侍奉京邑。蕭太保龍驤於賁海。王儀同虎視於洞庭。若望高烽。便當投袂。何則。凡諸將帥。各護家鄉。非直吾人。獨憂宗社。日者頻辱

張大啓接
賞節愈亮

司馬行臺及諸公有告，裴行臺當今方召，此諸賢莫
非英傑，其餘軍士，悉是驍雄，庸蜀氏羌之兵，烏丸百
虜之騎，以此衆戰，誰能禦之？何爲比吾陪薄，相懸何
惡？諸君身名俱滅，來告以細柳之軍，踰於灞上，吾恐
今之趙括，不及廉頗也。近張舍人至，始奉嚴勅，朝廷
遣劉叔經，仍往啓聞，願達丹誠，用停王赫，伏計天慈，
理當懸照，此身日月所鑒，天地所明，豈敢虛言，欺望
宸極，足下旣未知始末，容有疑恠，大軍多士，希惠矜
弘，量非此失，時騰表疏，幸停師旅，已存盟信，庶其小
國，永申藩禮，天心無爽，邇遐一同，投筆悚慨，不復多
白，陳諱頓首。



國家圖書館, NATIONAL CENTRAL LIBRARY, TAIWAN, R.O.C.

續編卷之六

五

徐孝穆集卷七

陳郟徐陵著

明東海屠隆評

書

答周處士書

仰披華翰甚慰翹結承歸來天目得肆閑居差有弄
玉之俱仙非無孟光之同隱優游俯仰極素女之經
文升降盈虛盡軒皇之圖藝雖復考槃在阿不爲獨
宿詎勞金液唯飲玉泉比夫煑石紛紜終年不爛燒
丹辛苦至老方成及其得道冥真何勞逸之相懸也

本之樂志

又承有方生亦在天目。理當仰稟明師。總斯秘要。豈如張陵弟子。自墜高巖。孫泰門人。競投滄海。何其樂乎。聖朝虛心版築。尚想丘園。若彼能赴嘉招。便當謹申高命。但其人往歲亦望至京師。觀此風神。確乎難拔。故以忘懷爵祿。詎持犧牲之談。高視公卿。獨騁蟠蛭之訓。所恐有道三辟。公車十徵。若斯者終當不屈。此旣然矣。請復詳言昔楚國兩龔。同時紆組。漢陰二老。相攜抱甕。兄之幽貞。若其鑿坏負石。方同形影。結綬彈冠。無容越楚。況乎糞土夔龍。羶臊名器。已行所不欲。非應及人。忽承來音。良以多感。何則。潁陽巢父。不曾令薦。許由商洛。園公未聞求徵。綺季斯所未喻。高懷而躊躇於矛楯也。唯遲山阿近信。更惠芳音。如或誠言。謹便聞奏。第夙勞比劇。不復多呈。

答族人梁東海太守長孺書

恩報近歲奉使來歸。辱彼河清年中告行。并惠以明鏡。丞離寒暑。雖復時陳。梁崔日照。孫鸞言慰相思。反增離眷。劉傅三常侍還。又承書札。銀鈎甚麗。玉疏依然。開封伸紙。破愁爲笑。素秋方屆。溽暑稍闌。體中何

如善保元吉。藂臺之璧。少海之珠。何必鄉里。所在爲貴。卿託身大國。旣已積年。彼朝英彥。理相欽挹。方當交辟三命。清官兩宮。何乃濶然。遲有問也。吾七十之歲。崦嵫已迫。朽老之疾。隨年而甚。徒懷北邙之切。未遂東都之期。牽役承閒。但有哀頓。自歸來鄉國。亟徙炎涼。牽課疲朽。不無辭製。而應物隨時。未曾編錄。旣承今告。輒復搜檢。行人相繼。別簡知音。但旣乏新聲。全同古樂。正恐多慙於協律。致睡於文侯耳。燕南趙北。地角天涯。言接未由。但以潛歆善敬。德中郎竝比境之良選。皇華之上求。若可轡軒。別當委白。

自譽甚

與李那書

籍甚清徽。常懷虛眷。山川緬邈。河渭像於經星。顧望風流。長安遠於期日。青要戒節。白露爲霜。君子惟宜。福履多愈。雍容廊廟。獻納便繁。留使催書。駐馬成檄。車騎將軍。賓客盈座。丞相長史。瞻對有勞。脫惠箋繒。慰其翹想。吾栖遲茂陵之下。臥病漳水之濱。迫以奄茲。難爲砭藥。平生壯意。竊愛篇章。忽覲高文。載懷勞佇。此後殷儀同至。止。王人授館。用阻斑荆。常在公筵。

作書與文
士便蟬緩
不已

財成六律
影施五色
使言之而
中倫歌之
而成聲緣
情綺靡可
謂悉備

有味乎其
言之

敬析名作鏗鏘竝奉能驚趙鞅之魂輝煥相華時瞬
安豐之眼山澤晻靄松竹參差若見三巖之峰依然
四皓之廟甘泉鹵簿盡在清文扶風輦路悉陳華簡
昔魏武虛帳韓王故臺自古文人皆爲詞賦未有登
茲舊閣歎茲幽宮標句清新發言哀斷豈止悲聞帝
瑟泣望羊碑一詠歌梁之言便掩盈懷之淚至如披
文相質意致縱橫才壯風雲義深淵海方今二乘斯
悟同免化城六道知歸皆踰火宅宜陽之作特會幽
衿所覩黃絹之詞彌懷白雲之頌但恨賒遠檀特高

峰開士羅浮康公懸溜不獲銘茲雅頌耀彼幽巖循
環省覽用忘飢渴握之不置恒如趙璧翫之不足同
於玉枕京師長者好事才人爭造蓬門請觀高製軒
車滿路如看太學之碑街巷相填無異華陰之市但
豐城兩劍尚不俱來韓子雙環必希皆見莫以好龍
無別木鴈可啗載望瓊瑤因之行李金風已勁玉質
宜調書不盡言但聞爰繫

報尹義尚書

別離二國雲雨十年目懸河陽追銅爵而無遠神遊

具文武全
材而隱景
藏光托身
異域良可
悵恍

瘞郁華髮
膏體不凡

漳水與金鳳而俱飛。北使還辱去冬十月十一日告
忽同言敘循環巧製欣慰良深。河朔年芳雖當淹晚。
白溝澆澆春流已清紫陌依依長楊稍合體中何如。
豈無鄉思第三秦世胄六輔良家文武兼能志懷開
遠谷永之筆無慙古人蓋延之功高視前彥而淹留
趙魏亟歷寒暄企望鄉關理多悲切聖朝欽明纂曆
大極生民戮巨海之奔鯨殲中原之封豕晉君之說
長安遠於日邊揚雄有言交州在於天際則輸駮王
府屈膝閭門川洞酋豪強梁溟海神兵一指率土咸

康方當偃伯於靈臺。韜戈于武庫變大風於五禮驅
蒸民於昌辰物色英聲搜揚俊傑投竿負鼎馳步蒼
龍巖穴丘園爭趨金馬而留連河北義等周南懷此
殊才實可傷嗟吾崦嵫既暮容鬢皤然風氣彌留砭
藥無補追惟疇昔共備行人室家安危賓禮升降懸
壺代哭俱歷春冬移館于箕同茲辛苦鳴蜩抱樹亟
見藏冰歸鴈銜蘆多經寒食靖言念此如何可忘握
翫來書彌其承臉夫以擁腫之木得免因於不才蔽
觥之牛自保由其無用以余鄙陋未友龔生惟歎吾

不假牽緣
天然巧合

賢不同遽瑗耳。若推溝拯溺。每切皇衷。逸翮飄鱗。見
優機檻。所以降咫尺之書。馳轡軒之使。心期與國。必
遂還途。寧謂親隣。更成難請。言尋雅告。所及縲囚。便
訪鴻臚。幸無淹使。聞諸司寇。或有邊俘。前歲中流。是
維同惡。燕禽望闕。冀馬臨江。裁頓雲羅。自投天網。京
觀之塚。宜彰武功。周醜之門。方申明罰。而聖朝好生。
惡殺。收雷寢電。兵車所獲。雖同長萬之來。恩澤從容。
無異荀瑩之禮。方之於弟。况擬非倫。伊昔梁朝。共奉
嘉聘。張茲大帛。處彼高閣。庭奏歌鐘。座延僑盼。賓客
之敘。方於阼階。田獵之禽。同於君膳。正以鄉關阻亂。
致爾拘留。家國隆平。義應旋反。况復韓宣。屢至宰孔。
頻還。翻爾遲迴。豈云隣睦。弟遂鍾儀之操。對此皇華。
高厚之詩。一何非類。關徐廉樂之況。三戰七擒之言。
此日借子之矛。攻子之室。彼之使客。猶尚不還。此於
齊都。豪門貴戚。周行匪例。事義相懸。豈與大弟同年。
而語。吾本自凡流。以復衰老。稍近東岱。不奢擊壤之
年。惟欣堯俗。若耶之復。長保安臥。時思之不棄。忝亞
宗卿。非得侵官天展。但當令芄芄在詠。濟濟盈朝。才

寇卿雲智同荀郭。文辭富於江海。高論泊於雲霄。趨走丹墀之門。侍奉清規之內。弟來款言。至欲附所聞。聯類非宜。更其多惑。若使良有。猶希贈鯉之書。郵驛方通。復行飛鶴之信。執筆潛然。不知何向。

在北齊與宗室書

陵白。臨淮負海。是謂徐州。顓頊高陽。世有明德。自興王啓。霸無勞。委劍之鋒。開國承家。實饗彤弓之賜。其後金柯玉葉。霞振雲從。耆舊通人。茂才多士。或以天下之貴。負石自沉。王命之尊。拂衣高蹈。或熊衣雉製。

九州人物
志逐一疏
明亦博亦
雅

青組朱旗。儒盛江東。文高河北。或復分齊。處魯移魏。居燕瓜瓞。雖遙芳枝。無遠昔有王敦。王莽。無關控鵠之宗。劉曜。劉淵。彌非偃龍之族。又有朱家。別錄。邾子之苗。何氏。殊源。韓侯之胤。三鳥五鹿。時事無恒。東郭西門。遷訛非一。吾宗雖廣。未有駢枝。咸自駒王。同分才子。正以金衡委御。玉斗宵亡。胡賊憑陵。中原傾覆。我則供犧。拴於東國。載主祐於南都。二百餘年。家于楊越。此則盧諶不去。裴寧仍畱。高館燕秦。遲迴鄉壤。山河有隔。敘覲無緣。望冀馬而增勞。瞻賓鴻而永嘆。

昔竇公累世。光武稱其外家。許都遙遠。靈王思其舊宅。其言雖大。可以喻小。况在宗親。寧無停眷。比月應雩龍。星移殷鳥。天明和煦。體中何如。願百年之老。與居多福。萬石之君。寒暑清豫。其外族忠孝。比屋連薨。信義勇於干戈。詩書甘於酒醴。或有漁獵三史。紛綸五經。都講開黌。詩生負帙。邦君佇德。寧無掛榻之思。州將欽風。應有題車之命。南陽坐嘯。寄以共治。東海行歌。資其主弼。梁竦不好。徒爲大言。鄧禹平生。唯望如此。若栖遲偃仰。因事丘中。桃果三名。栗園千樹。執

竿而釣。徵聘不來。負耒而耕。公侯靡屈。何其高也。蓋復休哉。如脫推延。或遲竝問。吾階綠人。乏叨蓬皇華。王事無淹。公禮將畢。旣而揚都蕩覆。方離儉狃之災。越界風塵。無復輜軒之禮。屏居空館。多歷歲時。豐犯靈祇。招延禍罰。號慕無窮。肝膽屠殞。煩冤胸臆。不自堪居。無心奈何。無狀奈何。自徘徊河朔。亟積寒暄。風患彌留。半體枯廢。折臂爲公。雖非羊祜。跛足而使。無慙郤克。固以形如稿木。心若死灰。匍匐苦廬。纔有竟氣。夫迷山之客。遲遙響於巖崖。窮海之賓。望孤烟於

點染處紅
善說然紫
卷爭吐

蓮枝與桐
葛屨紫思
不堪多讀

洲嶼况乃宗均魯衛地匪燕吳車騎相望舟艫朝夕
三條不遠五達非難信乃濶然遂不蒙問昔桃花之
峽長避秦嬴芝草之山遙然滄海猶復漁船可入何
况平途不兼旬月勞懷既積輒命行人弦望之間遲
枉歸翰儻二三兄弟能敦照穆之詩求我漳濱幸問
劉禎之疾陽春改節竝念將宜扶力爲書多不詮次

與王吳郡僧智書

昔林宗道主時人多慕德之賓無忌雄豪天下盡希
風之客况復王家沉默謝氏混玄名貴公門譽華卿

子而秦峰阻曼浙水悠長諮訴無因但用窮結比青
萋已戒白露方溥體中何如願保康勝鄧仲華服袞
之年苟令則擁麾之日徒云早達未可同功今日相
方豈不高視竊承富春頃歲多難薦臻邑閭皆空黔
黎將盡御史舊榻零落不存太傅齊室荒茫無處自
神麾所屆襁負斯歸新屋方華故田斯墾府吏閑坐
長史誦經督郵無事唯慮吹笛東苞海水俱承幕府
之威西泊江沱同仰惟良之化政差邊張何其神也
孤子無心覲冒苟邈光陰風疾彌留示有餘息恩將

公聘窮擯虜庭。博望侯極跡於黃河。顧中監流滯於滄海。自斯以後。唯有庸賤。本應埋冤趙魏。折骨幽并。豈意餘年。復反鄉國。仰屬伊公在亳。渭老師周旌賁丘園。採拾衡巷。遂以哀駘。不棄甕盎。無遺還顧。庸虛未應階此。竊承君侯。過被以光輝。屢有吹噓之言。頻蒙薦延之澤。故得周行紫閣。升降丹墀。點汗清朝。豈不荒愧。雖復華陰砥柱。帶地窮深。嵩高維岳。極天爲重。未可以方斯盛典。譬此洪恩。年迫桑榆。豈期酬報。政以川波非遠。對奉無因。夜夢子長之遊。朝覽希道。

指練則紅
紫成羣俯
仰則丘陵
生韻

之疏。浮雲西北。徒懷魏帝之文。行雨東南。思假飛山之便。窮誠已結。荒係逾深。方事祈寒。願加珍納。謹扶力白書。迷乏不次。

答李顥之書

近謬枉清音。無伸窮眷。忽辱來告。文製兼美。君山西盛族。素挺風流。河北辭林。本所嗟賞。子桓虛座。寧不敬期。伯喈倒屣。固以相屬。一日復其草土。思繫衣裾。披素清顏。但覺形穢。公輔之量。不負高名。王佐之才。信表天骨。孺子之榻。雖其可懸。仲康之車。彌軫恒眷。

鐘鳴漏盡
探成剪綺
裁紅文字
之工可以
招魂復起

孤子階緣素乏，叨筮皇華，今日形容無關天壤，殘光炯炯，慮在昏明，餘息綿綿，待盡鐘漏，安可以樹揚名士，游處盛賓，來喻泰高，知爲善謔，文艷質寡，何似上林華而不實，將同桂樹，但忘年之款，昔有張裴，隣國之交，非無嬰孔，儻哀駘可悅，甕盎非疑，方願投衿，庶比傾蓋，頃陳陽之疾，歲月增深，羊祜之病，秋冬彌劇，且年光適盡，觸面崩心，扶力含毫，諸不申具。

與周冢宰宇文護論邊境事書

國有三慶，民有四安，所謂通和，是由隣睦，况周陳款好，一紀于茲，懷抱相期，百世方遠，灌瓜之美，久勅邊

陳事出手
能漸

吏，拾椽之尤，想應無忽，梁氏以漸水東爲安湘小郡，宜立巴州，多歷年所，此於荆部，本包分界，近得刺史符元舉啓，稱蕭山歸，忽遣杜元茂、神僧訓等，將率人馬，踰淄涉漸，便置城隍，謀爲侵軼，適荷隣德，合州見還，不容今眷，仍縱蕭氏，元舉累移論及，翻相河漢，更往研問，便聘鋒鏑，彼軍人恃勇，遂致俘擒，聞此紛紜，甚以驚歎，其商奄餘孽，才力甚微，爲暴邊城，良憑大國，但情均忌器，不可加兵，便勅軍司，以禮相放，且前

會文切禮
靡靡可聽

歲所大疆城本以南平等五郡輸薦貴朝至如安湘
既屬巴郡幸承隣惠無候涉言放下漸東唯如灃北
政是標其大桶屬荊州之界耳彼此方申分好義絕
規圖所貴唯和所重唯信夫以南平等郡地墾民豐
雲夢之田楚王爲寶吳當勁蜀晉拒強秦資彼山川
竝爲州鎮朕若棄其仁義務廣封域寧容延歲竝貢
周朝今者和親已固山岳而方謀尺寸之士用益兼
葭之地哉幸非竊疾相見鑿容江陵小寇既爾虔劉
前至之言或相誣罔一二因使人宇文平口具其懷

耿耿故此相白陳諱頓首

與章司空昭達書

君白日聖朝受命天下廓清所餘殘兇唯有歐紇南
通交愛北據衡疑兄弟叔侄盤阻川洞百越之費不
供王府萬里之民不由國家明公受賑嚴冬持兵抄
歲開水踐露熇火宵行便屈含淮乃其神速未騁三
略非勞六奇薄交旗鼓仍平醜類自太清之末永定
以來所闢疆界不過郡邑今茲赴捷二十餘州若較
此功庸方茲英力漢之馬援不能爲擬吳之步騭故

是相懸况孫處宗之叛徒正槌盪主耳公私慶快豈可勝言且僕一子屯窮妖徒所制五嶺遐曼存亡不測玄懷飲淚破膽復全蒙荷英恩保其身命餘年仰戴何力能勝今遣主師某馳往稱慶徐君呈

諫仁山深法師罷道書

竊聞出家閑曠猶在虛空在俗樊籠比於牢獄非但經有明文亦自世間共見嘗聞法師覆彼舟航趣返緇衣之務此爲目下之英奇非久長之深計何以知然從苦入樂未知樂中之樂從樂入苦方知苦中之

苦弟子素與法師雖無曩舊相知以來亦復不疎夫良藥必自無甘忠諫者決乎逆耳倚見其僻是以不忍不言且三十年中造莫大之業如何一旦捨已成之功深爲可惜敬度高懷未解深意將非帷帳之策欲集劉侯形類臥龍擬求葛氏黃石兵法寧可再逢三併茅廬無由兩遇封爵五等唯見不逢中閣外門難朱易白鳴笳鳳管非有或聞舞女歌姬空勞反翫覓之者等若牛毛得之者譬猶牛角以此之外何所窺窬法師今若退轉未必有一稱心交失現前十種

通篇書意
極淺正爲
下根人發

大利何者佛法不簡細流入者則尊歸依則貴上不朝天子下不讓諸侯獨翫世間無爲自在其利一也身無執作之勞口餐香積之飯心不妻妾之務身飾芻摩之衣朝無踐境之憂夕不千里之苦俯仰優游寧不樂哉其利二也躬無重任居必方域白壁朱門理然致敬夜琴晝瑟是自娛懷曉筆莫詩論情頓足其利三也假使棘生王路橋化長溝巷吏門兒何由仰喚寸絹不輸官庫升米不進公倉庫部倉司豈須求及其利四也門前擾擾我足安眠巷裏云云余無

驚色家休大小之調門停強弱之丁入出隨心往還自在其利五也出家無當之僧猶勝在俗之士假使心存殺戮手無斷命之愆密裏通情決勝灼然嬌俗如斯煩惱萬倍不如白衣一入愛河永沉無出其利六也聽鐘聲而致敬尋香馥以生心朝覩尊儀莫披寶軸刹那之善逐此而生水滴微功漸盈大器未知因緣果報善惡皎然就此而言其利難陳矣假使達相白衣猶有埃塵之務縱令遙寄彈指遠近低頭形去心留身移意往閑有者得如此貧苦者本無因近

在目前不言可見其利七也。山間樹下故自難期。枕石漱流實爲希有。猶斯之類不可思議。如此者難逢。一心者。怖遇法師未能不學。交習聽勝之因。一旦退心於理邈矣。其利八也。開織成之帙。見過去之因。摘琉璃之卷。驗當來之果。識因識果。不以爲愆。知福知報。何由作罪。上無舟楫。交見沒溺之悲。下失浮囊。則有沉身之患。其利九也。曠濟羣品。爲天人之師。水陸空行。皆所尊貴。言必闍黎和尚。書輒致敬。和南遠近。嗟詠貴賤。顛仰法師。今必退轉。立成可驗。纒脫袈裟。逢人輒稱汝。我始解偏袒。姓名便亦可呼。平交者。故自不論。下劣者。亦恐不讓。薄言稱已。榻席懸異。從來小得自在。便以君爲題封。若不屈膝歛手。自達無由。俯仰承迎。未閑合度。如此專專。何由可與其利十也。畧言十事。空失此機。其間深道。寧容具述。仰度仁者。心居魔境。爲魔所迷。意附邪途。受邪易性。假使眉如細柳。何足關懷。頰似桃花。詎能長久。同衾分枕。猶有長信之悲。坐臥忘時。不免秋胡之怨。洛川神女。尚復不惑。東阿世上。班姬何關。君事夫心者。面焉若論。繼

絕則共氣共心，一遇纏綿則連宵宴起，法師未通返照，安悟賣花未得他心，那知彼意嗚呼桂樹，遂爲豆火所焚，可惜明珠，乃受淤泥埋沒，弟子今日橫谿，必爲法師所哂，世上白衣，何貲何限，且一人退道而不安危，推此而言，實成難解，譬如瓦礫盈路，人所不驚，片子黃金，萬夫息步，正言法師入道之功已備，染俗之法未加，何異金博赤銅，銀換鉛錫，可悲可惜，猶可優量，能忍難忍，方知其最，願棄俗事務，息塵勞，正念相應，行志兩全，薄加詳慮，更可思維，悔之在前，無勞後恨，如弟子筭遠，卽十數年中，決如惻惻，近卽三五歲內，空唱如何，萬恨萬悲，寧知遠及，自誤自錯，永棄一生，乃知斷絃可續，情去難留，或若火裏生花，可稱希有，迷人知返，去道不遙，幸速推排，急登正路，法師非是無智，遂爲愚者所迷，類似阿難，便爲魔之所嬈，猶須承三寶之力，制彼羣兇，豎般若之幢，天魔自款，若此言旨當，卽便冀采芻蕘，若不會高懷，幸停深恠耳。

與天台智者大師書

德壽集 卷一
陵和南、昨預沈儀同法席、餐奉甘露、無畏之吼、衆咸歸伏、然正法炬、朗諸未悟、自慶餘年得逢妙說、尋事諮展書不申心。

又與天台智者大師書

陵和南、注傾之心、難可敷具、拔公至、蒙三月念日、示用慰積歲傾心、麥冷體中何如、願一日康勝山中、春夏、無餘障惱耳、遲復存旨、弟子二三年來、溘然老至、眼耳聾闇、心氣昏塞、故非復在人、兼去歲第六兒夭、喪、痛苦成疾、猶未除愈、適今月中、又有哀故、頻歲如此、窮慮轉深、自念餘生、無復能幾、無由禮接、係仰何言、敬重燥書、今還白書不次。

又與天台智者大師書

陵和南、放生星聞、公家極相隨喜、事是拔公口具、謹不多諮、唯遲拔公、廷出數百里水、全其命根、如此功德、筭數無盡、隨喜無量、此不委諮。

上智者禪師

陵和南、弟子思出樊籠、無由羽化、旣善根微弱、冀願力莊嚴、一願臨終正念成就、二願不生地獄三途、三

此願恐不
易稱然非
證佛人必
不敢作此

德孝穆集 卷七
願卽還人中不高不下處託生四願童真出家如法
奉戒五願不墮流俗之僧憑此誓心以策西暮今書
丹款仰乞證明

徐孝穆集卷七終

徐孝穆集卷八

陳郟徐陵著

明東海屠隆評

頌

皇太子臨辟雍頌

臣聞天大。王大。詳於道德之言。天文人文。顯於爻象之說。是以大君革命。黔首所以庇焉。聖人創物。文籍所以生焉。咸由此道。制爲民極。莫不對越上靈。裁成庶類。濟世育德。昭彼昆蟲。皇帝世膺下武。體茲上德。握天鏡而授河圖。執玉衡而運乾象。皇太子耀彼重

離光。茲七鬯。儀天以文。化滅天下。侍中國子祭酒新安王。宗室羽儀。衣冠準的。惟善爲。造次必儒。粵以十一年三月二十一日。受詔弘宣發論語題。攝齊升堂。摳衣卽席。對揚天人。開闢大訓。清言旣吐。精義入神。副德爰動。音○鋒起。問難泉涌。辨論綸之異。定倫理之疑。玉振鏘鏘。雲浮雨布。介王奉繫聖蹤。馳辯秀出。信令張禹慙其師法。何晏忸其訓詁。穆穆焉洋洋焉。此實虞朝之盛德。生民之壯觀者也。臣抑又聞之。魯頌聿興。史克宣其懿。晉雍大啓。王廙逞其詞。所以述休平之風。揚君上之德。輕以下才。敢爲頌曰。皇運勃啓。膺圖受命。紫蓋東臨。黃旌南映。積仁累德。重明疊聖。四海無浪。三階已平。儲駕戾止。和鸞有聲。弘風講肆。崇儒肅成。丹書貴道。黃金賤籛。洎興業闕里。增榮。

精製崇黼黻。夙具善貴。遂黃金。頌蕭。戎既興。業。國。星
璽。聖。四。載。無。亦。三。謂。日。平。澗。竈。吳。土。味。鸞。其。心。風
時。智。寶。圖。受。命。紫。蓋。東。訓。黃。龍。南。規。蘇。二。累。事。三。日
張。朴。平。之。風。博。吾。土。之。靈。神。以。不。木。如。為。餘。日。皇。最

銘

太極殿銘

是林陵太
秘殿非移
衣就李可
北

夫紫蓋黃旗。揚都之王。氣長久。虎踞龍蟠。金陵之地。
體貞固。天居爽塏。大寢尊嚴。高應端門。仰模營室。歸
于有德。譬彼河圖。傳我休明。義同商鼎。太極殿者。法
氏象亢。王者之位。以尊左。平右。城天子之堂。為貴。往
朝煨燼。多歷年所。世道隆平。宜其休復。監軍鄒子。度
啓稱。卽日忽有一大梓柱。從流來泊。在後渚岸。峩峩
容與。若漢水之僊槎。搖漾波濤。似新亭之龍刹。孤拔

縮靈光於
手腕運斤
斧而自如

靈山允彰天貺。昔梁氏承聖。將圖繕修。東虜窺江。西
胡犯蹕。定之方中。亟興師旅。揆之以日。輒有災故。是
知秦人所止。實漢祖而爲宮。吳都佳氣。乃元皇而斯
宅。千櫨赫奕。萬拱峻嶒。植綠芰而動微風。舒丹蓮而
制流火。甘泉遠望。觀正殿之崢嶸。函谷遙看。美皇居
之佳麗。信可以齊三光而示宇宙。會萬國而朝諸侯。
爰命微臣。乃爲銘曰。雍峙相望。參差未央。偃師迴顧。
崔嵬德陽。高捫太乙。正睹瑤光。峩峩靈柱。赫赫流樟。
美以宮室。嘉哉今日。御宸垂旒。當朝靖蹕。樂備韶夏。
禮兼文質。帝旅無諠。王旗斯謐。肅肅卿士。邕邕承弼。
漢座雕屏。周人檻櫺。城隅有勤。殿省皆銘。况復皇寢。
宜昭國經。方流典訓。永樹天廷。

麈尾銘

爰有妙物。窮茲巧制。員上天形。平下地勢。靡靡絲垂。
綿綿縷細。入貢宜吳。出先陪楚。壁懸石拜。帳中玉舉。
既落天花。亦通神語。用動捨默。出處隨時。揚斯雅論。
釋此繁疑。拂靜塵著。引飾妙詞。誰云質賤。左右宜之。

象物神手

序

玉臺新詠序

凌雲概日。由余之所未窺。千門萬戶。張衡之所曾賦。周王璧臺之上。漢帝金屋之中。玉樹以珊瑚作枝。珠簾以玳瑁為柶。其中有麗人焉。其人也。五陵豪族。充選掖庭。四姓良家。馳名永巷。亦有潁川新市。河間觀津。本號嬌娥。曾名巧笑。楚王宮內。無不推其細腰。魏國佳人。俱言訝其纖手。閱詩敦禮。非直東鄰之自媒。婉約風流。無異西施之被教。弟兄協律。自小學歌。少

作此等文
不嫌纖媚



長河陽由來能舞。琵琶新曲。無待石崇。箜篌雜引。非因曹植。傳鼓瑟于楊家。得吹簫于秦女。至若寵聞長樂。陳后知而不平。畫出天仙。闕氏覽而遙妬。且如東鄰巧笑。唯侍寢于更衣。西子微顰。將橫陳于甲帳。陪游馭娑。騁纖腰于結風。長樂鴛鴦。奏新聲于度曲。粧鳴蟬之薄鬢。照墮馬之垂鬟。反插金鈿。橫抽寶樹。南都石黛。晁發雙蛾。北地臙脂。偏開兩靨。亦有嶺上仙童。分九魏帝。腰中寶鳳。授曆軒轅。金星與婺女爭華。麝月共嫦娥競爽。驚鸞冶袖。時飄韓椽之香。飛燕長

如此才女
縱傾城傾
國不足以
酬也

裾宜結陳王之珮。雖非圖書入甘泉。而不分言異神。仙戲陽臺。而無別真。可謂傾國傾城。無對無雙者也。加以天情開朗。逸思彫華。妙解文章。尤工詩賦。琉璃研匣。終日隨身。翡翠筆牀。無時離手。清文滿篋。非惟芍藥之花。新製連篇。寧止葡萄之樹。九日登高。時有綠情之作。萬年公主。非無累德之辭。其佳麗也。如彼。其才情也。如此。既而椒房宛轉。柘館陰岑。絳鶴晨巖。銅鋪晝靜。三星未夕。不事懷衾。五日猶賒。誰能理曲。優游少託。寂寞多閑。厭長樂之疎鐘。勞宮中之緩箭。

艷歌彙集
寧爲風雅
之罪人

作

都不藉

錄艷歌凡爲十

渭之間若斯而已

札龍伸蠖屈之書五色花
是麗以金繩裝之寶軸三臺妙
歲河北膠東之紙高樓鉛

紛仍定魯魚之文辟惡生香聊防羽陵之蠹雲飛六

甲高檀玉函鴻烈仙方長推丹枕至于青牛帳裏餘
曲既終朱鳥牕前新粧已竟方當開茲縹帙散此細
編永對玩于書帷長循環于織手豈如鄧學春秋儒
者之功難習竇傳黃老金丹之術不成固勝西蜀豪
家託情窮于魯殿東臺甲館流詠止于洞簫變彼諸
姬聊同棄日猗與彤管麗矣香奩

多情韻語
足令銷魂
天下有情
人多是收
香奩

... 願回棄日餘與汛營... 香... 完... 昔... 曲... 甲... 高... 王... 函... 照... 山... 寸... 具... 卦... 丹... 卦... 至... 于... 青... 斗... 則... 稟... 領

為護軍長史王質移文

比金風已勁。玉露方圓。宐及窮秋。幸踰高塞。當使孤
旌不反。隻騎無還。非止湯羅。豈知堯德。其承比年昏
墊。仍歲蘊隆。粒粟貴於隋珠。分糜乏於齊鼎。且氏羌
旅拒。已跨伊瀍。胡羯憑陵。方踰汾潞。刺虎之勢。時期
卞生。拾蚌之機。彌驗蘇子。但國家體茲明信。有同皎
日。豈惟風雨之旦。猶救匹夫。宵夢之言。無欺幽壤。賊
華皎近。以臨蕃有。譴作牧無章。既懼檻車之徵。便憂
齊斧之戮。遂乃治兵楚夢。竊戴干戈。傍引西戎。共謀

汪固燕然
碣化來

東夏僞周遣其衛國公宇文直等總統獯獫爲其羽翼醜徒濟岸來攻郢城逆豎浮舟同趣夏浦王師櫂權素在中流群帥爭驅應時殲蕩羌胡寶馬縱橫七澤之中荆楚樓船彌滿三江之上俘禽所獲水陸無遺華皎擢自芻微叨居蕃翰情慙犬馬罔顧恩靈齟執干戈自圖家國聞諸間諜具彼隣謀乃授冬官卽爲鄉導雖傷仁義之俗非敢有私期和與之情猶冀無失

移齊文

獲去月二十日移承羯寇平殄同懷慶悅眷言鄰穆深副情佇夫天網之大固無微而不擒神武之師本無征而不克至如戎王傾其部落逆豎道其鄉關非厥英圖始難戡戮况復洞庭遐曠兵食陰阜西窮版屋北罄瓊廬聲冠苻姚勢兼聰勒庸蜀寶馬彌山不窮巴漢樓船陵波無際我之元戎上將協力同心承稟朝謨致行明罰爲風爲火殪彼蒙衝如霆如雷擊其舟艦羌兵楚賊赴水沈沙棄甲則兩岸同奔橫屍則千里相枕江川盡滿譬睢水之無流原隰窮胡等

殺氣昏騰
鬼隣慘感
一筆寫出

極拉擢事
幕得濃至

陰山之長哭。於是黑山叛邑。諸城洞開。白虜連羣。投
戈請命。長沙鵬鳥。靡復為妖。湘川石燕。自然還舞。克
翦無筭縲禽。不貲欲計軍俘。終難巧曆所獲。龍駒驥
子。百千其羣。更開首宿之園。方廣駒駘之廐。於是衛
霍甘陳。虬髯曠目。心馳壘路。志飲河源。乘勝長驅。未
知所限。豈如桓溫不武。棄彼關中。殷浩無能。長茲羌
賊。方且西踰酒郡。抵我境而置邊亭。東略鹽池。為齊
朝而反侵地。此亦翦妖氛。未窮巢窟。便聞慶捷。愧
佩良深。

檄周文

主上恭膺寶歷。嗣奉瑤圖。既稟聖人之材。兼富神武
之畧。又安兆庶。共靖戎華。用戡干戈。永銷鋒鏑。况復
追惟在楚。無忘玉帛之言。軫念過曹。猶感盤餐之惠。
年馳玉節之使。歲降銀車之恩。庶使懷音。微悟知感。
而反其藏匿。招我叛臣。翊從瀟湘。空竭關壘。荆梁左
右。漢沔東西。籲天呼地。望停哀救。夫一人掩泣。猶愴
滿家。百姓為心。彌切宸辰。大都督吳明徹。台司上將
德茂勲高。威著荆湘。化聞庸蜀。叱咤而平。宿豫吹噓

既報三施
不宜對怨
招詞立意
激敵人心
服

徐孝穆集 卷八

而定壽陽席捲江淮無淹弦望



徐孝穆集卷九

陳郟徐陵著

明東海屠隆評

碑

徐州刺史侯安都德政碑

巖巖天柱。大矣周山之峰。桓桓地軸。壯哉崑崙之阜。
三光懸而不墜。九土鎮以無疆。承乾合德之君。則天
體元之后。所以並咨四鎮。咸建五臣。業配蒼祇。功成
寓縣。至於流名雅頌。著美風詩。年代悠然。寂寥無紀。
其能繼茲歌詠者。司空侯使君乎。自文昭武穆。祚土

開家濮水盛其衣簪。榮波分其緒秩。仁義之道。夷門
美於大梁。儒雅之風。司徒重於強漢。自通人許劭。託
命於江湖。高士袁忠。寄身於交越。俱違建安之難。獨
處衡山之陽。祖天資秀傑。世載雄豪。卓富擬於公侯。
班佃必於旌鼓。父光祿大夫。邑里開通德之門。州鄉
無抗禮之客。自茫茫禹迹。赫赫宗周。家滅驪戎。國亡
夷羿。我高祖武皇帝。迎河圖於浪泊。括地象於炎州。
南興涿鹿之師。北問共工之罪。天生宰輔。堯年致白
虎之祥。神賜英賢。殷帝感蒼龍之傑。公亦觀時佇聖。

嘯咤風雲。跪開黃石之書。高詠玄池之野。沈吟梁甫。
自比管仲之才。惆悵莘郊。久負伊生之歎。自羯虜侵
華。羣蠻縱軼。後臯桂部之地。四戰五達之郊。郡境賢
豪。將謀禦難。長者僉論。推公主盟。義士雄民。星羅霧
集。公旣膺五聘。方啓六韜。率是驍徒。仍開嶺嶠。自大
討瀟湘。同茲樊鄴。下軍違命。上策不宣。敗我王師。受
拘劫盜。大陳格於文祖。咸秩具神。率土依風。群靈稟
朔。公亦忠爲令德。天纂之謀。吳帳斯開。衛門無擁。雖
復季孫還魯。隨武濟河。國慶民歡。相儔匪若。卽授使

持節開府儀同三司丹陽尹。昔光武不尤於馮異。穆公深禮於孟明。終報王官之師。遂舉咸陽之地。斯乃聖王之宏畧。而名臣之遠圖者焉。皇帝以陶唐啓國。致玉版於河宗。顓頊承家。佐金天於江水。經綸草昧。定鼎之業居多。締構權輿。斷鼇之功相半。固以英聲馳於海外。信義感於寰中。主器攸歸。當璧斯在。公於是抗表長信。清宮未央。從億兆以同心。引公卿而定策。馳輕軒於軫轄。奉待駕於中都。七廟之基於焉永固。萬邦之本。由此克寧。乃復進司空公南徐州刺史。

論農務則循聲而得說言節候則披文而見時

於是鎮之以清靜。安之以惠和。望杏敦耕。瞻蒲勸穡。室歌千耦。家喜萬鍾。陌上成陰。桑中可詠。春鷓始嘯。必具籠筐。秋蟀載吟。競鳴機杼。或肅拜靈祀。躬瞻舞雩。去駕擁於風塵。還旌阻於飄沐。京坻歲積。非勞楚堰之泉。倉廩年豐。無用秦渠之水。雖復東過小縣。夏雨逐其輕輪。南渡滄江。秋濤弭其張蓋。固不得同年語矣。若夫聽採民訟。昏曉必通。召引軒櫺。躬親辨決。立授符於前案。無留詣於後曹。接務高城之中。非異甘棠之下。欣欣美俗。濟濟都塵。以賈琮郭賀之風。行

建武永平之化。於是州民散騎常侍王瑒等拜表宮闕。請揚茲美化。樹彼高碑。民欲天從。允彰絲誥。銘曰。鬱鬱三象。茫茫九州。綿天滲慘。浹地虔劉。赫矣高祖。爰清國讐。元勳佐命。力牧風后。亦既旋歸。邦家有暉。宮亭蠡浦。奮翅高飛。電卷勅寇。風行國威。文身被髮。作貢來綏。我皇纂武。攀號東序。謁渭同周。迎門唯呂。流矢為暴。攬槍斯舉。喋喋蒼黎。危危刀俎。自我徂征。妖氛克平。爰驅大旆。實翦長鯨。北震巢浦。南俘灌城。青羌卷介。赤狄迴兵。蹈舞難踰。歌謠靡宣。曰我黎庶。

混而不野

俱祈上玄。山移兩越。海變三田。公為上相。復倍斯年。

廣州刺史歐陽頤德政碑

弱水導其洪源。軒臺表其增殖。懿哉少府。師儲皇於二京。盛矣司徒。傳儒宗於九世。廣陵邕邕。族擅江右。渤海赫赫。名重洛陽。若夫岳鎮龍蟠。星懸鶉火。衡山誕其高德。湘水降其清輝。千仞孤標。萬頃無渡。年當小學。志冠成童。因孝為心。欲仁成體。屯騎府君早棄榮祿。易簣之日。幾將毀終。不杖之言。深非通制。遺賫巨萬。富擬倚頓。裁變槐榆。竝賑宗戚。南次大麓。北眺

發端必邁
體大而文
炳

清湘得性於橘洲之間。披書於杏壇之上。三冬文史。五經縱橫。頻致嘉招。確乎難拔。既而帝啓黃樞。神亾赤伏。天地崩霄。川冢沸騰。群倖酋豪。更爲禍亂。朝披羽檄。夜炤燿烽。浴鐵蔽於山原。縱金駭於樓堞。公疲兵屢出。獨據胡牀。勅賊重圍。尚凭書几。揚灰旣散。駕棒將揮。咸剋凶梁。以保衡服。常以二主蒙塵。三光掩曜。出入逾於嘗膽。殷憂獨其撫心。不治第宅。深符去病。志梟群醜。彌同越石。自禹珪旣錫。堯玉已傳。物變謳謠。屢移笙管。商周之際。孤竹尚其哀歌。曹劉之間。

蘇子猶其狂哭。况番禺連帥。實謂宗枝。迷我天機。自窺梁鼎。以公威名。本重逼統。前軍乾數難違。剝象終悔。高祖永言惟舊。彌念奇功。卽訓皇家。深弘朝綱。檻車才至。輿觀已焚。祝史祆於夷吾。壇場延於井伯。綢繆安樂。造次紆謀。爰珥豐貂。允光金螭。但八桂之土。蠻夷不賓。九疑之陽。兵凶歲積。以公昔在衡臯。深留風愛。仁恩可以懷猛獸。威名可以懼啼兒。乃授持節散騎常侍衡州刺史。我皇帝從唐侯以胤國。屈啓筮而登家。一恭寶祚。開定江沔。三改璇衡。包羅湘峽。昔

中宗屈申於處仲。高祖遺恨於平城。漢武承基。方通沙塞。晉明紹運。裁平姑孰。方其盛業。綽有光前。踐祚之初。進公位征南將軍廣州刺史。又都督東衡州二十州諸軍事宜。公乃務是民天。敦其分地。火耕水耨。彌亘原野。賊盜皆偃。工賈競臻。鬻米商鹽。盈衢滿肆。新垣旣築。外戶無扃。脂脯豪家。鐘鼎爲樂。揚祛灑汗。振雨流風。市有千金之租。田多萬箱之詠。僧釋慧美等來朝。絳闕備啓。丹誠乞於大路。康莊式刊豐琰。庶樊卿寶鼎。復述台司之功。羊叟高碑。更紀征南之德。於是跪開黃素。爰登紫泥。鑒此誠祈。皆如所奏。乃詔庸臣。爲其銘曰。赫赫宗陳。桓桓鼎臣。千乘建學。五典攸因。盛德斯遠。公門日新。嵩高惟岳。貺甫生申。去衡移廣。遷征自鎮。悠悠銅界。藐藐金鄰。莫遠非督。無思不賓。三江靡浪。五嶺奚塵。式歌式舞。仁哉至仁。公其饗福。於萬斯春。

晉陵太守王厲德政碑

若夫睢陵世傳。以詳載德之華。徐州先賢。亦著清風之美。偉哉文獻。光啓中興。郭莖表其深源。何籌慙其

事豐奇偉
斷骨有痕

奏集致意
流靡自妍

遠慶。豈惟桓氏之鳴玉。張家之珥貂。袁姓之朱衣。楊宗之華轂。又有飲飛。遮列班弓。夾門濯龍。俯望緹綺。盈道奕世。如此何其盛哉。君以藍田美玉。大海明珠。灼灼美其聲芳。英英照其符彩。風神雅淡。識量寬和。既有崔琰之鬚眉。非無鄭玄之腰帶。爛爛如高巖下。電騷騷若長松裏。風勢利無擾於胸襟。行藏不槩於懷抱。家門雍睦。孝友為風。上交不諂。下交不瀆。脫貂救厄。情靡矜吝。釋馬窮途。唯濟危殆。至於網羅圖籍。脂粉藝文。學侶揖其精微。詞宗稱其妙絕。出為仁武。

將軍晉陵太守五雞二隄勤郵有方問羊知馬鉤距兼設濟北移樹累政之所未治汝南爭水連年之所無斷一朝明決曾不留滯四民商販咸用殷阜銘曰康哉寶運美矣良臣胄自澧水源於洛濱公侯世及宰輔相因曰我民秀山川降神風情穆穆孝友恂恂學則經笥文為世珍高風遠矣曠代難倫鼎鉉虛職台階未臻安知霜霰遽天松椿碣石斯表民情既陳徒然下拜何報陽春

孝義寺碑

洛節瓊瑤
縹緲天際

臣聞道階八地。猶見后妃。願生千佛。無匪聖賢。汲引
之義。雖同。隨機之感。非一至如。媯汭有禮。皇源所以
前興。周女斯歸。陳宗所以流慶。大矣哉。神基帝系。淑
聖重光者也。慈訓太后。德佐初九。道暉上六。居天上
天中之極處。太任太姒之尊。蘋藻之化。斯深。芎覃之
風。彌遠。皇帝膺茲上聖。契彼援神。愛敬在乎一人。德
教形乎四海。是以明星皎皎。流半月之光。甘露團團。
灑如飴之味。嘉禾自秀。浪井恒清。天降徵祥。日聞書
府。自大明紹運。神武應期。至道傍通。無思不格。戊巳
校尉西關。玉門伏波。將軍南表。銅柱方使。三千世界。
百億須彌。同望飛輪。共稟玄德。元嘉三年正月二十
一日。詔旨仰惟聖德。方被兆民。乃敕有司。改東成里
爲孝義里。昔岱山徙號。重華著其受終。德水移名。秦
人表其嘉運。豈若盡在地輿。書茲里門。仰述天經。光
臨父母。臣陵稽首。乃作銘曰。願此良因。宜資貴親。三
乘竝策。四梵爲賓。紺殿安坐。蓮花養神。燈前禮佛。地
後邊身。竝濟含識。咸歸至真。國家隆盛。同饗遐○慶。
謹勒豐碑。陳其舞詠。

齊國宋司徒寺碑

摩訶能禪
師碑在此
中藏出

無色之外方爲化城。非想之中猶稱火宅。若夫衆生
無盡。世界無窮。芬若披蓮。遠如散墨。善財童子。南行
未窺。目連沙門。北遊不見。一一刹土。皆由業緣。萬萬
僧祇。終非常樂。天宮蹇產。猶傾四大之風。魔殿崔嵬。
終懼三災之火。朱樓寶塔。輝煥增華。旣義暢中土。道
流遐域。顯默同歸。華夷俱慕。自枕石漱流。始終一槩。
悟智交養。三十餘年。春秋八十三。古人云。道存人亾。
法師之謂見我門徒。感風徽之緬邈。傷諮悟之永滅。

敢以淺見。揚德金石。銘曰。九流依真。三乘歸佛。道往
絕跡。慈還接物。孰是發蒙。昭我慧日。攝亂以定。闢邪
以律。秦皇雄感。救理通情。王孫偏解。遠死滯生。夫子
之悟。萬劫獨明。寒暑迭易。悲欣臯壤。秋蓬四轉。春鴻
五響。孤松獨秀。德音長往。節有推遷。情無遺想。

東陽雙林寺傅大士碑

自修禪遠豁。絕粒長齋。非服流霞。若食朝沆。姜原所
履。天步可以爲儔。河流大屐。神足宐其相比。夫以連
城之寶。照廡之珍。野老恠而相捐。工人迷而不識。昔

書古人
而筆不癡
肥以其筆
之韶秀也

漢皇受道。樂大不臣。魏祖優賢。楊叟如客。河上之老。輕舉臨於孝文。臺下之人。高尚加於光武。五胡內鬩。蒼鶩之兆。未萌四海。橫流夷羊之牧。匪見滴海。未盡其辭。懸河不窮。其義伯陽之德。貞桓紀於瀨鄉。仲尼之道。高碑書於魯縣。亦有楊雄弟子。鄭玄門人。俱述清猷。載刊玄石。銘曰。來儀上國。抗禮承明。妙辯無相。深言不生。撞鐘比說。擊鼓慙英。樂論天口。誰其與京。乍見仙掌。爰標神足。色豔浮檀。香踰簷匐。噉噉門人。承師若親。寧焚軟疊。弗燎香薪。合窟爲定。方墳以墟。須彌巨海。變炭揚塵。淨土無壞。靈儀自真。何時踴塔。復覩令身。

天台山館徐則法師碑

夫海水揚塵。幾千年而可見。天衣拂石。幾萬歲而應平。至人者。譬彼晨昏。方乎晷刻。固非俗士之所能言。寰中之所能量者也。至如不死之草。猶稱南裔。長生之樹。尚挺西崑。百紀遊龜。皆登蓮葉。千齡壽鶴。或舞松枝。假矣生民。何其天脆。譬彼風電。同諸泡沫。琢火之歎。聞諸往賢。逝水之悲。嗟呼前聖。樵人看博。信未

天台山仙
山也故以
仙跡點綴

蓋宮闕苑
奕翳馴虬
宛柏洪崖
肩接子晉
袂

始乎淹留仙客。彈琴固不移於俄頃。然而子孫皆其
數世鄉黨。咸為草來。是以志士名賢。飄然長驚。臊膻
榮利。厭穢風塵。服冕乘軒。其猶桎梏。朱庭紫閣。事甚
籠樊。隱淪巖洞。食餌芝髓。忽矣身輕。俄然羽化。金繩
玉版。受謁帝之符。龍駕霓裳。處仙官之籙。法師蕭然
道氣。卓矣仙才。千仞孤標。萬頃無度。所以伊川控鶴。
葉縣乘鳧。靈化無方。去還斯在。銘曰。來去三鳥。賓遊
二童。然香雨上擊磬。雲中玉粒。雖軟金膏。未鎔方流
道業。濟彼昏蒙。

長干寺眾食碑

昔炎皇肇訓。稷正修宮。信矣天民之言。誠哉國寶之
義。自非道登正覺。安住於大般涅槃。行在真空。深入
於無為般若。則菩薩應化。咸同色身。諸佛淨土。皆為
搯食。證常住者。爰乞乳糜。補尊位者。猶假香飯。亦有
三心未滅。七反餘生。應會天宮。就齋龍海。况復繕居
地轉。咸憇珠庭。固以皆種仙禾。並資靈粟者矣。法師
常願以智慧火。燒煩惱薪。普施眾生。同食甘露。况復
安居自恣。願學高年。或次第於王城。猶栖遑於貧里。

卽以食堅
義

金粟鉢內
可供四天
香積厨中
能迴沙界
吳大官庖
磨可擬

迦留乞甦。苦用神通。須提請飯。致貽詞責。於是思營
衆業。願造坊厨。庶使應供之僧。皆同自然之食。升堂
濟濟。無勞四輩之類。高廩峩峩。恒有千食之備。其外
鐵市銅街。青樓紫陌。辛家黑白之里。甲第王侯之門。
莫不供施相高。資儲轉衆。法師善巧方便。漚和舍羅。
教授滋生。隨年增長。假使桑林不雨。瓠水揚波。猶厭
稻梁。永無饑乏。加以五鹽具足。七菜芳軟。甦類天厨。
果同香樹。羹鼎之大殷。王未逢糜。鑊之深齊。都非擬
昆吾在次。皆鳴鷲嶺之鐘。陽谷初升。同洗龍池之鉢。

丹陽上庸路碑

在天成象。咸池屬於五潢。在地成形。滄海環於四瀆。
國險者固其金湯。儲蓄者因於轉漕。貨財為禮。專俟
會通。厥田為上。皆資滲漉。大矣哉。坎德之為用也。是
以握圖之主財。以利民御斗之君。因之顯教。上哉。少
昊初命。水官逖矣。高陽爰重。冥職舜為太尉。于是九
澤載疏。禹作司空。然後百川咸導。開華山於高掌。鑿
靈沼於周源。莫匪神功。皆由聖德。我大梁之受天明
命。勞已濟民。有道稱皇。無為曰帝。若夫雲雷草創。剪

一滴可以
濕青雲拖
甕猶能微
地利天之
所生莫先
於水

商黜夏之勲。鑄寶鼎於昆吾。安能紀勒陳鴻鐘於鄠岳。豈易揄揚斯固名言之所絕也。及乎膺斯寶運。大拯橫流。屈至道於汾陽。勞凝神於藐射。聖人作樂。簫韶備以九成。喆王盡禮。春官總於三代。豈止金門桴竹。玉尺調鐘。公帶獻明堂之圖。匡衡建后土之議。若斯而已矣。天降丹鳥。旣序孝經。河出應龍。乃私周易。若夫固天將聖。垂意藝文。五色相宣。八音繁會。不移漏刻。纔命口占。御紙風飛。天章海溢。皆紫庭黃竹之詞。晨露卿雲之藻。漢之兩帝。徒有詠歌。魏之三祖。空

云詩賦以爲彭老之教。終沒愛河。儒會之宗。方難大宅。豈如五詩八會之殊文。天上人中之妙典。雪山羅漢爭造。論門鷲嶺。名僧俱傳。經藏香象之力。特所未勝。秋兔之臺書而莫盡。忠信爲寶。禱祈免於白駒。明德惟馨。山川舍於駢犢。至如月離金虎。泥染石牛。會蔚朝典。滂沱晚注。而清蹕纔動。織羅不搖。高閤將臨。油雲自闕。陽鳥馭日。寧懼武賁之弓。飛雨彌天。無待期門之蓋。震維舉德。非曰尚年。若發居鄩。猶莊在漢。濤如白馬。旣礙廣陵之江山。日金牛孰辨海湖之路。

黃門詠雨
則生愁
孝穆詠雨
則生逸趣
派雖不同
美則一致

專州典郡。青鳧赤馬之船。皇子天孫。鳴鳳飛龍之乘。
莫不欣斯利涉。玩此修渠。乍擁楫而長歌。乃縱金而
鳴籟。斯曠世之奇功。無疆之鴻烈。

徐孝穆集卷九終

徐孝穆集卷十

陳郟徐陵著

明東海屠隆評

哀冊

陳文皇帝哀冊文

維太康元年太歲丙戌四月丁未朔二十七日癸酉
大行皇帝崩于有覺殿殯于太極之西階粵六月丙
寅將遷於永寧陵禮也宮車晚駕幄殿晨張旌銘具
列綉翻成行哀子嗣皇帝諱擘蜃輅於丹階攀龍帷
於紫庭趨過窮於屏闕拜慟感於明靈東京飛其瑞

露北陸實其祥星。乃詔雲臺之史。稽採咸池之曲。叶
大雅於鳴金。同藏書於群玉。其辭曰。

若水傳帝。薰風御民。重光所集。世載于陳。赫矣高祖。
愍哉上旻。蟬聯寶霄。暉煥郊禋。我皇誕聖。應此家慶。
道主衢樽。神凝懸鏡。洛書天表。河紀靈命。納揆馳芳。
賓門流詠。稽陰克伐。震野勤王。毫道增構。幽風會昌。
言瞻少昊。實狀高陽。効駕轆轤。清宮未央。歡覃兆庶。
德洎遐荒。穆齊高寢。上膳長樂。肅肅承顏。哀哀薦酌。
悼園恭儉。章蔭譙約。大寶崇明。無間改作。纂武升歷。

遺憂寔繁。三湘九派。沴氣雲昏。力折天柱。才傾地門。
丹泉夜照。細柳朝屯。谷魅山鬼。橫流塞源。赫赫英謨。
赴赴雄斷。逖行天討。無遺神筭。鬱掃江淮。長驅巴漢。
九夷百越。雷隨風渙。北俘昆邪。西戡伊軫。荷負皇極。
劬勞萬幾。勤民聽政。晏食宵衣。服貴綈皂。風移闔闈。
唐山罷奏。濮水韜徽。訪採狂狷。搜敷丕微。世感中孚。
民惟大畜。外戶無閉。高垣奚築。降情儒雅。凝懷庠塾。
御廡爲歡。臨雍彌肅。禮兼三代。樂備九成。天資武德。
地照文明。墨履斯在。幪巾自清。連珠合璧。曜爽流精。

形容儉約
詞反華腴

御之稱集 卷一
獸舞時務。禽歌頌平。帝載維遠。王靈維大。候雨占風。
荒中海外。憬彼鞮譯。咸承冠帶。是曰君臨。斯爲交泰。
白環已貢。玄珪克貞。東河佇楫。北狄思征。鉞斧將戒。
璵珉未鳴。星淫去楚。日沴悲荆。億兆何疊。穹昊遽傾。
嗚呼哀哉。大禹胼胝。重華踞腊。仰惟勞務。同斯違懌。
吉夢無徵。昭祈奚益。聽茂陵之鐘鼓。抱喬陽之劔舄。
雖髣髴於神儀。終纏綿以號擗。嗚呼哀哉。三占巴吉。
四海星奔。列贈天宇。崩號帝闕。千門啓於閭闔。萬乘
警其靈輶。槐風悲於輦道。松雨思於郊源。鑿旆動而

虛悲。宿衛靜而空尊。嗚呼哀哉。畢陌平夷。流山蟠固。
紀無遷市。唐有通樹。經白社之修途。廻青門之廣路。
思沛邑以東。臨懷周京。以西顧。嗚呼哀哉。機神不測。
性道難稱。克窮靡寄。孺慕奚憑。唯封云亭之與禪父。
肅玉璞之與金繩。楊英聲而永久。共日月而俱升。嗚
呼哀哉。

華屋山丘
必深人意
必不盡傷
江詞雖終
如令痛入
心髓

卦。巽。牖。蘇。京。漢。劉。宗。審。肅。慕。奚。惠。劉。桂。云。亭。之。與。顯。父。
思。亦。邑。以。東。謝。對。風。京。以。西。顧。對。平。哀。對。斷。碑。不。隨。
絲。無。繫。市。書。官。畫。樹。豨。白。垣。之。對。登。感。青。門。之。對。望。
盡。悲。前。齋。精。而。空。尊。即。平。京。錯。畢。前。平。決。流。山。澤。間。

墓誌

司空河東康簡王墓誌銘

起叙譜牒
便有眉宇
天人色映
塞外之意

夫聖人至德。天道福謙。大哉堯舜。貽慶長遠。明兩之
盛。中陽纂於秦龍。百世之祀。皇家兆於鳴鳳。違丹丘
於海北。應紫蓋於江南。帝系皇基。重光累葉。高祖之
建天柱。列聖之補地維。蕩蕩乎民無得而名焉者也。
王資神昴緯。託曜房靈。體斯孝烈。不由師保。月生之
對。曾何用於擬議。日近之言。亦無階於等級。封河東
王。加侍中。淑貌與金燧相宜。清顏與玉壺同照。授使

持節南徐州刺史武羌旅拒亭障遷移漠草非長廣
之東湖萊近荆門之北王常譏庾翼使白面之非才
深慕曹彰歎黃鬚之爲可火精不退奚應善言水蛭
難消徒持陰德薨于沙鎮時年一十有七追贈司空
加鼓吹班劔諡曰康簡王洛北占墳河南除道葭悲
煙殿之聲劔動豐城之氣豈惟晉王寵悼重琅邪之
贈官魏后高文制蒼舒之哀誄

司空章昭達墓誌銘

周原膺膺佳氣葱蔥王業攸興帝國斯盛在昔光武

佐命隣縣者鄧侯高祖元臣同郡者蕭相公台輔之
量便著綺紈瑚璉之姿無待雕琢起家爲東宮直前
所奉之君則梁簡文皇帝旣而黑山巨盜憑陵上國
白水疆胡虔劉中夏公傾其產業募其驍雄思報皇
儲累殲鯨寇屬幽風有象代邸方降搜荆楚之英才
資班輸之妙畧百樓忽起登雲霄而俯臨萬弩俱張
隨雷霆而並震揚兵於九天之上決勝於千里之中
殪彼羣兇皆無旋踵陳寶應至懷反叛客引周廻資
其食力更事窺窬公奉詔崇朝飲水將力前茅後勁

步驟奔馳。仍向甌閩。殄其巢窟。若夫鳴虵之洞。深谷
隱於蒼天。飛猿之嶺。喬樹參於雲日。宜越艇而登嶠。
蒙燕犀而涉江。威武紛紜。震山風海。於是咸俘僞師。
悉據高墉。爰泊滄溟。莫不懲乂。旣而齊人無信。將謀
郢藩。鬪艦戈船。窺江淹漢。公纔聞羽檄。遽稟師期。馳
襲荆鄖。應時燒蕩。方欲宣威隴汧。大討梁華。屬上將
之韜光。逢中台之掩曜。大建三年。薨於軍幕。爾乃青
烏拍墓。白鶴標墳。林有逃車。樹同華蓋。前於熊軾。後
乘龍輻。介士發三河之民。哀鏡同駟馬之曲。長安傳

坐恩禮盛於西京。襄陽墮淚。悲慟喧於南峴。

裴使君墓誌銘

君五音之候。兼其方牧。八陣之圖。窮其巧變。用能戰
必勝。攻必取。督稱無難。兵號解煩。朝飛火箭。夜聳雲
梯。燧象從奔。聯狼已合。於是厥顏不撓。極哈諸戎。龐
德高聲。肆言羣逆。胡夷總至。猶持子路之纓。鋒刃相
交。終荷溫生之節。每以輕財。篋籜義重。嵩衡割宅。宇
貧友之孤。開門延故人之殯。篤好朋遊。居常滿席。每
至鮮雲。藹藹披王安之衣。明月團團。似班姬之扇。日

鮮華絕世
勝於子夜
吳歌

名去秋集 卷一


帶花以如笑風鳴條而若歌傍列於

石之後逾能斷獄五斗之量猶未解醒

詩致哀周密莊公之誅用愍相遺

文酒一

之



國家圖書館, NATIONAL CENTRAL LIBRARY, TAIWAN, R.O.C